

義楚六帖

十二

漢	書	門
類	號	函
架	冊	四
六	七	八
三	八	一
〇	七	八
二	〇	七
四	〇	七

內	閣	文	庫
漢	書	類	冊
六	七	八	一
〇	七	八	一
二	〇	七	八
三	〇	七	八
四	〇	七	八
五	〇	七	八

內閣文庫	
番號	漢 1886
冊數	24 ( 12 )
函號	310 158



A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale



© Kodak, 2007 TM: Kodak







義楚六帖卷第十二

齊州開元寺講俱舍論賜紫明  
教大師進釋氏六帖 義楚集

持犯開遮部第十八

淺草文庫

慧猷方直

江左人少出家止江陵辛寺幼而蔬  
食履操志性方直及具戒已後專精

律禁依卑摩羅義大弘十誦講說  
相續陝西稱最著義疏八卷矣

僧業博涉

河內人幼而聰悟依什公受業善十誦僧祇  
發天然大明深奧什公歎云後世波離後閩中

多難避地江南訓道三吳廣弘十誦兼習  
禪那每感異香元喜八年七十五終矣

惠詢

條章

姓趙趙郡人少而苦行蔬食依什公受學  
研精經論尤善十誦依僧祇更製條章義

貫終古宋永初中廣陵開闡元嘉至京有僧惠  
觀亦精十誦又更師詢詢大明二年卒春秋八



十有**僧瑒**誠衆姓宋吳國人少出家為僧業弟

四藉頗製文藻任虎丘山勅詔為京師僧正止中

興寺講有沙門僧定惑衆擯之著誠衆論學兼

內外律行無疵道俗歸投車軌相接帝從受戒

袁粲張敷一遇傾蓋撰尼要事兩卷任莊嚴寺

五十八卒時有道遠律師率直有高道儼決正

行宋明帝勅晉熙王燮從請戒焉

雍丘山黃人少有戒行善於毗尼精研四部融

會衆家又以律部為唐梵指要号旨歸決正四

部毗尼論後於彭城大弘律藏卒於彼年

七十有五時栖玄寺僧惠曜亦善十誦

**僧隱**姓李秦州人家世正信隱年八歲出家長

禪律齋蔬食受具之後執操弥堅妙通十誦法

華維摩又依西凉榮禪師玄高禪師乃負笈從

之學盡禪門深窮律要又遊巴蜀江陵各重當

時道扇方外劉休張岱等並稅駕禪房屈膝恭

禮及巴陵建平二王等後臥疾少時問侍者曰

日中未日巳中索水漱口乃化八十矣有成具

律師善十誦雜心毗曇等又道房姓長廣漢五

成人道行清真少善律學居長樂寺每禮佛燒

香感香煙直上入佛頂中又勸門人改惡行善

言絕而卒春秋

一百二十矣

**道榮**守節寺未詳何人始任靈曜

華金剛蔬食守節莊嚴道惠冷城智秀皆師戒

範後張永於京婁湖死立閑心寺講榮居之類

興講席學徒甚盛昇明二年八十三卒又有惠

祐三十出家厲身苦節精專律教講摩訶僧祇

律竟陵王請祐居閑心寺

**志道**少欲姓任河內

大開律肆不測其終矣

謹十七出家止靈曜寺蔬素少欲六物之外略

無兼畜學通三藏尤長律品何尚之欽德致禮



講居所造法論寺先因偽虜滅法律部不全受戒闕儀道乃至京洛秦雍訪採令全道之力也後王興命同往湘州永明中卒七十三又瓦官寺有超度律師亦善十誦製律例十卷

**頴一授**

姓索燉煌人十三出家師法香住涼州

服膺已後學無再請記在一聞研精律部博涉經論元嘉下都止新亭寺孝武請為都邑僧正後辭任習定齊高登位又請為僧主給事倍常又造經像藥藏於長干寺建元四年卒六十七矣撰十誦戒本羯摩文等  
**法琳握錐** 姓樂晉原天保寺有惠文善十誦  
出家止蜀郡裴寺專好戒品研心十誦恨無好師後隱公至琳乃剋已握錐以日兼夜洞盡心要後止靈建敷揚益部僧尼無不宗奉常祈心安養忽見一異僧身甚姝大在琳前齊建武二

年邁疾計想淨方見賢聖來迎向弟子述其所見言絕而卒於新繁路口焚戶起塔時煙焰注

**天智称解甲**

姓裴河東聞喜人魏冀州刺史徽之後祖世避難寓居京口称幼而

慷慨頗好弓馬十七隨王玄謨申坦北討獫狁每至父兵未嘗不心懷惻怛痛深諸已乃歎曰害人自濟非人仁也乃解甲知過因讀瑞應經乃深生厭悟乃投南潤宗公受五戒後依印禪師出家年三十六於裴寺止專精律部大明十誦誦小品一部後至江陵從隱具二師更受禪要又頴公聽律諮決隱遠發言中旨一時之席莫不驚嗟定林法獻相值請歸山寺研講毗尼後餘杭寶安寺僧志請還鄉講又為寶雲寺王又普弘寺講徒眾數百人執卷承旨事都絕每有凶故秉戒節哀唯行道加勤以終暮功之制還鄉講說親里知舊皆來問評悉訓最慈孝講



大本四十餘遍七十二終著義疏八卷矣僧祐避替姓俞先彭城下

業祐年數歲入建初寺禮佛踊躍樂道不肯還家父母怜其小且權許焉至年十九密為求婚

祐知而避之至定林寺投法達達戒德精嚴法門梁棟年滿具戒執操堅明受律於法穎精義

無遺竟陵文宣王請講聽眾八百永寧中勅入吳試選五眾并講十誦所有信利悉修定林寺

為性思巧自往心計造光宅大像剡縣石佛小宮依之受戒撰三藏記法苑釋迦譜弘明集白

黑門徒一萬一千餘人天鑑七年五月二十六日卒於建初寺七十四矣立碑誄頌德懷

素羯磨姓范京兆人貞觀十九年師慧法師出

徽迦葉繼軌波離撰諸要義經論中五十餘卷能文善書即聖教序般若心經行於世矣高行

莫測有客唐代也下續高僧傳

法超要義梁楊都天竺寺姓蓋皆陵無錫人十

卷依僧護為師修習經論心性柔軟勞苦非慮又從長樂寺智稱聽十誦京邑獨步帝為律教

像運攸憑學惠階漸治身之要乃勅起為大僧正弘揚律藏撰律要義一十四卷在內平等殿

講律帝親臨座聽受成規在內三旬略舉綱要四眾移心朝宰皆悅七十終帝下勅慰問令

有司道禪知足交趾人早出世網立性方嚴修藝之身守戒冰雪例懷鄉俗貴其尅

已任仙州山寺舊多虎穴自禪居之虎皆遠矣聞齊竟陵王大開禪律盛張講肆千里駕涉至

於金陵皆是四海標領人雄道傑禪至通夜不寐遙奉真筌以十誦知名僧尼奉信威稜振遠



受戒千人聽眾盈百蔬食弊衣華無布口有濟  
芳美者便給貧病知足之富後屏迹山林不改  
其樂大通元年卒于山寺春秋七十二矣  
**惠光目異** 姓楊定州人年四月八日往佛陀禪師處受三歸戒佛陀見兒  
眼光外射如談必知有奇操苦留令且誦經執  
卷覽文曾若宿習傍通博義窮諸幽理劇談謔  
詭變態新奇言談動物隨情逸口所習經講便  
為人說號聖沙弥得利尋施師云此誠太士之  
行受戒便須聽律律是智惠基即聽副律師講  
四分十誦又依辯公經論聲颺趙郡後事著述  
佛陀呼而告之云吾之度子望傳果向何乃區  
區方事世語今觀神氣已成可為高明法師道  
非子分如何自累因而流淚後製章疏文存風  
骨頗略章句故千載仰其清規眾師奉為宗轄  
司徒高轍齊代名賢重之如聖勅欲沙汰諫者

先斬時光任僧正以命直諫免之後為僧統綏  
緝有功將終時塊落筆前屋梁折等終鄴城大  
覺寺年七十光常願往佛國生不定方所將終  
願生淨國製律疏二十卷僧製十八卷見重於  
世  
**曇隱廣誦** 姓史河內人少賦塵俗早遊佛寺  
夜通准以為常業受具之後依道副律師聽律  
精勵弥久穿鑿逾深後從光公更採精要為光  
大弟子高隆日敬侯景造寺請居及同時沙門  
道樂行解相兼物望同美時人語云唯有隱樂  
律宗明略其為世重如此無弟子不畜財六  
十三卒於大覺寺著抄十卷成業十餘人  
**曇**  
**瑗律統** 未詳氏族金陵人才術縱橫子史周捨  
述威嚴群小不妄登臨文華自處時或規諫戒  
律處世任持為要專師十誦功績既著學觀斯



張有陳之世無與為隣故五眾從依七貴遵揖  
 常聽請眾二百人時宣帝下勅未滿五夏盡令  
 聽律勅瑗公監統有司給四事二十餘人講眾  
 齊二百京邑屯關行誦相誼國供豐華學人無  
 弊未逾數載道器大增其有學成將歸本邑者  
 瑗皆聚徒對問理事無疑方乃遣之由是律學  
 更新帝勅瑗為僧止後與法侶洪偃登山詠詩  
 云丹陵松葉少白水黍苗多浪淫下客淚哀怨  
 動民歌春蹊度野暮秋浦沒長莎麋鹿自騰逸  
 車駢罕經過蕭索肆野望惆悵將如何偃和云  
 龍田留故苑派水經餘波悵望傷遊自辛酸思  
 緒多京煙慘高樹濃露變輕夢澤葵由帶井池  
 竹下侵荷秋風徒自急無復白雲歌瑗太建中  
 卒八十二也端坐加趺立碑建塔著疏一十卷  
 羯磨統兩卷僧家書儀四

智文麀尾

姓陶丹陽人母齊中

書阮翰女也懷文之始夢一梵僧手把松枝與  
 之後若誕兒以此為麀尾及文生也卓異恒倫  
 志學之年依寶田寺智成以為師傳既受具已  
 專究玄津以戒定惠分為五乘梁大同七年靈  
 味瓦官奏勅請文講律陳郡殷鈞為之檀越常  
 聽眾二百梁宣帝率僧罷道文諫乃止陳隋二  
 主亦重佳猷九十一終文之入道器宇剛物風  
 範肅人戒品圓淨處斷分明自然剖析章句詞  
 省理富講十誦八十五遍小乘戒心羯磨二十  
 遍造義疏十二卷菩薩戒疏兩卷學門傳秘貴  
 之為寶羯磨疏四卷受戒三千人學士十餘人  
 道志法成膺夢雙魚為二龍也立碑法論為文  
**法願律虎** 姓任西河人立性警達頗志高尚拔  
 都戒則白衣言揚緇服齊昭玄大統法上嘉其  
 神惠與語終朝攝而刺落日賜幽奧橫厲時倫



勇思風馳周行講席專依律部網羅佛法舟巡  
僧猷自東夏所傳四部律本並製疏義履歷談  
對衆皆杜辭故得立破衆家百有餘計莫敢當  
銳時以彭亨罕敵號爲律虎後勅爲大莊嚴寺  
石窟上座隋朝創業勅爲并州大興國寺王開  
皇終六十四矣葬于城西建塔製律疏十卷是  
非抄兩卷弟子道行器局淹  
和親傳師受不墜厥宗矣  
**靈藏天子**姓王雍州人年  
未登學志慕清遠依穎律師出家藏承遵妙要  
善達持犯僧祇一部世稱冠冕於智度論講解  
無遺妙尚冲虛兼崇網務時周初佛法全盛國  
家年別度僧以藏品其行業藏與隋高祖布衣  
知友情款相洽及竜飛後弥結深衷禮讓崇敦  
光價朝宰立大興國寺自此已後中使重杏禮  
遇轉隆厚味嘉肴密舉封逸王人繼至接軌相  
趨又勅左右僕射兩日一廻參問教網初張名

德雲構皆陳聲望莫與爭雄往來宮園與帝倫  
等坐卽同榻行必共輦經倫國務雅會天監帝  
云弟子是俗人天子師爲道人天子有樂離俗  
者任師度之前後約數萬人蒙度帝云師度人  
爲善朕禁人爲惡言雖有異意且不殊至於隋  
朝譯經藏先衆軌言會時望未知寺任綱正有  
聞開皇六年卒於所住六十  
八矣葬于南郊凶事官給等  
**道成瓌美**字明範姓陶丹  
陽人祖誕齊招遠將軍永嘉太守父僉梁貞威  
將軍上虞令成少而出家住永嘉崇玄寺依戒  
法師爲弟子儀負瓌美奇姿拔衆群伍目云神  
童具戒之後學超時輩西遊京輦受業奉誠寺  
大律都沙門智文十誦聽兩遍而講毗曇染神  
便悟無繁工倍聞一知十衆稱後生可畏十誦  
菩薩戒大品法華諸經律講一百四十座又講  
觀音經一日二遍著律大品羯磨及諸經疏三



十六卷至如意樹心花增輝且曜折理質疑聽者忘倦學士惠藏法祥等並遊方講說成六時禮懺漁獵文史性用安庠威儀合度天人模楷罕有其相不曾忤物開皇十九年卒六十八合掌而卒葬南山墓

**通幽護淨** 姓趙河東蒲坂人誌高座寺惠山作幼齡遺世早慕玄風弱冠加年遂沾僧位而貞心苦節寒暑不虧尋師訪道夷險無變遇周齊陵亂遠涉江臯業架金陵素氣攸遠大隋開運歸渭陰味法泰其平生操行分其容止弘宣示教毗尼爲首調禦身心仍用三昧戒定二藏遊華胸臆時創造延興土木瓦石工匠同舉傷生可知幽爲造四井各施漉囊凡有施用躬自詳觀馳走有功曉夜無厭延興一寺獨免形殘自餘締構焉能後叙每欲看經盥手及臂舉經對目臂不下垂在房宇中未嘗澡嗽涕唾返咽不弄寺中便利洗淨

乃終其報一生不用巾僕手濕任乾每歎云生不功一片善死不酬一毫之累虛負神靈何斯悟也遂誠弟子云吾變常之後幸以殘身遺諸禽獸五十七卒延興寺

**洪遵律斷** 姓時相州人八歲出家從師受學專業律部內自惟云出家基趾其在戒乎任持萬載被于遺教諒非虛矣乃往嵩少依止雲公聽其律三論又依業下暉公聽其四分聽徒五百後因盛集異學盈堂捧暉製疏便安座上暉令上座覆述吐納幽隱衆仰如山後味諸論及禪要等齊王旣敞教門五衆斯盛有犯律者令遵據律理之勅爲斷事沙門時青齊僧諍勅令斷之繁諍自弭至隋又蒙徵詔令任興善并十弟子四事供給講四分一人而已天下無對遵爲人形儀儒雅動據規猷神辨如泉聲如鍾鼓曾勅送舍利博州隆聖寺有靈感在傳大業十九年卒七十



九又有道洪法勝洪淵並以律學著名洪在湘  
 州紹通雲胤容止沉正宣解有儀經論之士皆  
 停其講觀其風略採為軌躅勝博涉有功言行  
 無點神志高卓僧共推之淵學遵流化道被中  
 山有聲**覺朗海藏**海內知名河東桑梓任大興  
 幽冀等**善明分海藏**四分有功及大  
 涅槃氣骨陵人形聲動物遊諸巷陌罕不願之  
 仁壽四年下勅令送舍利徐州覺成寺靈應多  
 種大業末勅令任禪定道場鎮歷橫豪怙然迴  
 風漸潤道化頗懷欽重不久卒於所居又有僧  
 海藏識信堅明宗仰律肆屢傳四分少有傳付  
 又有法鏘律師本任淨法寺未賦煩梗南栖大  
 松林施身山野夜感聖燈兩月不絕 **惠至造**  
**寺** 姓賈始州永歸縣人六歲為斌法師弟子令  
 誦遺教經一夕便度以經驗師多有乖越捨

之事姜律師誦法華經聞講俗律試聽曾若宿  
 習問十餘條無能通者刺史已下一州諮問莫  
 不歸伏受菩薩戒後黃安縣造寺七所梓潼四  
 武安三遇周滅法入山藏隱禽獸為伴山神奉  
 藥六時行道後獼猴開路有八人採弓知隋蓮  
 重興佛法出山入京大業中勅還本州香林寺  
 始陵楊公臨益州素無道心行里入寺狼藉可  
 知王乃著衣執錫指之皆倒手擎兩馱擲在坑  
 中公聞大笑施物受戒 **智保嚴厲** 河東人弱齡  
 悔焉八十八無疾而化 **智保嚴厲** 河東人弱齡  
 心在性剛謇不軌流俗進具之後正業司務擁  
 節專制挺超群侶律部是長維攝自他言行相  
 守至於流略墳索頗獲其宗談對玄儒不後其  
 術筆記之功時楊太義嗣接英華初任勝光僧  
 眾四百同食一堂新菜果瓜多選香羨保低目  
 仰手依法受之留子種之後任勝光厲業弥峻



至於灌園澆虫護命雜行之功誠難備舉護寺  
心切後將終命諸門屬曰吾之來報為護寺神  
言絕而終果犯寺智說伏恢字惠成徐州人姓  
被打嚴之厲致也徐炫師之弟少便  
聰敏有其志節在蜀遊學務勤律戒隋命顧德  
率先赴講於長安大揚律藏蜀王秀請王自迎  
之任法聚寺為齋千僧知不護淨舉筋不食眾  
皆空散有僧道恢為人凶險遙見說走避而流  
汗眾云卿從來不畏一人何畏說答云此佛法  
中王那得不畏以恢之力可敵百說云縱敵千  
人見說百脉已沈四支不舉何敵之有後入竟  
居山漢公李袞致書請不赴答云辱使至止并  
以誠言披閱循環一言三覆文清淥水理破秋  
毫貧道戒行多闕化術無方宅身荒谷四十餘  
年狎魚鳥以樵歌習禪那思般若以此卒歲分  
填溝壑等得書示軍眾先作禮人物爭歸律師

力也武德元年無疾而卒年八十三矣  
智首師戒姓皇甫其源即  
因官流寓徙宅漳濱首幼抱貞亮夙標雄傑  
年離俗馳譽鄉曲初投雲門寺智是出家是亦  
禪府童孺心學翹望即稠公神足首歲居學雅  
且略禁科權示五門擁其三業神惠所指不慕  
下流覽訓遺教律為師本定惠眾善此而能繁  
母亦出家深修八敬尊重五儀志欲預首制門  
誓願奉為夷則首後勅為弘福寺上座大弘律  
肆四分因之興焉貞觀元年卒六十九矣上皇  
哀悼下勅令百司供給葬事僕射房玄齡公卿  
等並親崇戒範尸不腐是眾共嗟之斯持戒力  
也官給地十畝於京西龍首縣夫三百築墳種  
栢千林于今茂矣門學立碑於弘福寺許敬宗  
為文慧璉說戒姓吳江都人母懷之時即祛嗜  
矣欲辛鮮俗味眇然不願識者以



為兒德妙同身子及年七歲心慕緇徒道見沙  
門尋而忘返親欣信仰出家依榮法師孝敬天  
然因由師訓隨從奉敬初無乖越不敢暫離後  
聽攝論大悟時倫即而講說談吐清雅妙會物  
情仁壽中從榮被詔入內勅任禪定寺及具戒  
後聽遵首二師律各二十遍謙弱成治堅論不  
言講律敷論大業末郊壘多虞禪定一眾摠集  
混池寺莊璉能率眾強禦有賊師云健道人得  
至昇平又妙聲機乃至於說戒清音流亮由來  
怠惰者聞說皆來坐聽聳耳峻坐畏其聲止樂  
聞如是貞觀初任雲花寺上座五十餘卒又有  
蒲德善智真懿敬道同時僧也皆道揚京輦有  
名於世  
**法礪生齒** 姓李趙郡人因官家在相州礪  
世落堅白逾常登年學位便欣大法初投靈裕即  
度為弟子風素翔郁威容都雅言議博達欣尚

玄奧受具已後敦尚戒律從淨洪律諮考四分  
指揮刑網有歷年數振續徽猷譽騰時類又聽  
恒州淵公大義又之江南聽十誦後歸漳鄴時  
臨漳令裴師遠夙承清訓預展法筵請礪在縣  
敷弘相續傳歷數載開悟極多時惠休法師道  
聲遠被望重當時見礪造疏贊擊神理文義相  
接深有功焉貞觀元年**惠琬人畏**亦名玄琬姓  
卒六十七講四十餘遍  
人遠祖因官居雍州新豐縣青襟悟道履操冲  
明志在學年方遊法苑依曇延法師震領宏標  
遺教法王隋文欽重立寺處之琬位居入室恭  
恪據懷進具之後便依洪遵伏膺四分冠冕遮  
性豁汰持犯涉律三載便事敷衍後進樂推前  
英歎美又究涅槃唯識包舉理性又師曇遷攝  
論法華勝鬘大集地論中百並資承茂實研覈  
新聞循環弥討後鑄丈六釋迦佛感天花落像



僚庶忻其罕逢法侶慶斯榮瑞開模之後雅相  
逾圓每於靜夜清朝常有天樂又造經四藏皇  
儲妃后皆受歸戒後上太宗國王賞詩三寶論  
及安養於蒼生論三德論各一卷七十五卒延  
興寺勅葬然琬容範端肅聲氣朗峻預瞻敬者  
莫不懷然圖像厥相猶令人畏有弟子僧伽姓  
張清悟寡欲立志貞正譏諫變適不犯顏色以  
味靜為宗琬受戒弟子三千僧尼俗士王公二  
十萬 **惠簫波離** 姓劉彭城人十八為書生資性  
出家雖強識前聞而以飛行見稱者舊明達號  
為今時波離開皇遊於鄴博綜經律貫練衆  
部偏宗四分後居靈岩以本師年高復還中岳  
隋祖創業僧徒無阻時明朗河東持律之最早  
志依簫請歸河曲竟門定林寺後之蒲坂道積  
神素等留連累年又之中條王屋巨壑深林若

遊庭戶貞觀十四年卒于仁壽  
七十三矣誦花嚴講涅槃等 **惠滿喫火** 姓梁  
人父粲歷仕隋唐為海州等刺史滿生年素潔  
履正標宗慈濟含育殆非修學世俗看膳見便  
寒悚僧儀道具觀即欣喜年甫七歲即樂出家  
二親不違依大興善寺仙法師仙名望京邑識  
悟有從道俗洽聞父親付囑進具之後便依智  
首律師明慎威儀學門推揖思釋理味以達署  
為恒勤於正事樂勸勉貞觀二年鄜城魏兵曹  
家別院講說隣火將至索水喫之俄滅戒威德  
力其年勅為弘福寺上座有集仙寺尼妄有師  
習鑄老子真人兼集黃巾齋慶滿引衆擯出像  
改為佛蜀有道士作老君像於前作二菩薩侍  
立僧論於王王判云菩薩已成天尊宜進一階  
冠改同佛相迎於寺又有尼惠尚請僧寺居之  
滿集衆擯之尼倚皇儲事方徐解乃至詣闕論



僧居道後貞觀年卒五十四矣焚尸唯舌不灰更以薪燒煉色轉鮮明立塔安之有疏二十卷

**惠進志聰** 姓鮑潞州人弱歲辭親慕從緇侶修二十遍并重尋讀近三百遍專志累功罕儔其匹後遊歷名山居箕山三十年不下貞觀年因疾而卒八十六矣明瓚善宗四分爲傳章抄瓚形器弘偉少共齊倫在法任寺御衆揚化韓潞沁澤四州從範余聞往見

**道亮勤苦** 姓趙趙州欣然若舊年八十三矣

十五默於世綱投州界莎坦禪房備禪師出家備博達洽聞兩河稱德偏弘大論神見清遠十六登座至于八十聲相動物辭味無變亮奉敬諮展望預聽徒乃令在封竜山誦經爲業山侶四十人並是禪蹤素少淨人惟亮一已既當下位衆務同臻日別自課春粟五斗將及六載下

時不懈徒跣三年六時隨衆至七年方遂剃落後至并州瓚禪師所方蒙具戒念定爲務傍依律宗師嚴律師專攻四分聽地持等文旨大通覆迷前解增其名實又聽嚴公講至本州備公猶在爲弘律席聽徒八百請益日隆

**道逞放生** 貞觀十九年七十七在焉法興傳習

姓輔京兆治平人祖任上黨守遂居長子焉性聰敏樂出俗十四遭母憂興蓼莪報恩遂出家依印法師後造放生池一百餘所益州其亭神請逞受戒後不享血祭至先王廟亦然又於綿开造三百尺像成焉顯慶年卒八十五送葬放生池路逢雨二度皆白至葬日大晴矣

**道**

**興辭金** 姓劉本任秦州八九歲時常念出家私賊求之出城六十里賊愍而還之後具戒因往蜀國有一老僧與興同往有金十兩請興負之



興云此危物何用佛亦不許即有前驗老僧不  
 納果被害之興至蜀進見聽智舜律講五遍便  
 能覆述舜深歎之後還京廣聽經論不爽光陰  
 又稟江禪師定學後請講者再三方許寺主墮  
 興下客官中急難興云私通車馬寺主被鬼責  
 而死後有鬼愧然受戒貞觀中有城戴令募來  
 與興同房夜驚被打背有青腫禮千佛日一遍  
 崇法如此焚公送舍利與令供養感一室光明  
 金色常坐不臥未曾入市不受別利乞食之外  
 不出寺門不乘驢馬不服非法益部五眾敬而  
 重之六 **惠旻玄素** 字玄素河東人志操方直清  
 十七終 行不群仁愛汎洽稟自天性  
 道振三吳名流七澤情好幽居多尚岩壑九歲  
 出家勤修潔業誦法華經暮月便度聽新羅光  
 法師成論率先問對十七還鄉請開法華講聽  
 衆雲翔咸陳嘉瑞異香彈指屢結空中受具之

後又聽开園寺志律師十誦二十七年不出寺  
 門著疏十卷七十七終異香二百滿寺戒門人  
 等不得哭 **明導決諍** 姓陶吳興人因官歙州家  
 依律葬之 于彼幼叶雅調與衆不群  
 隋朝喪亂二親俱沒發心出家志存護法貞觀  
 年至陳州遇勅沙汰留僧三十雖蒙榮問意在  
 弘揚依爍礪二師食稟幽奧未移炎暑聲聞超  
 挺因令覆述縱達無違學門義侶莫不推挹自  
 後白黑諍事咸憑決斷無不中之愜伏歎善童  
 朔二年勅任東都天宮寺後老君像就送芒山  
 長史韓孝威令僧尼同送導獨不從威云僧尼  
 及耶導云長史集衆唱反威自知失謝之見衆  
 過中食責之滅法自月餘飲水不食道 **曇光清**  
 俗苦勸方乃進食今年六十有高稱焉 **曇光清**  
 絕姓張汴州人自幼及長潔志清範諸有勝徒  
 莫不登踐於爍礪兩師聽受成論逮至立年



大明律藏命宗章義是所推崇，礪歎云使吾道  
流河右，誠此人乎？又聽玉法師法華經地持論，  
又往嵩山相禪師學，修止觀，勅任天宮寺，仍為  
上座，綏撫清衆，不肅而成，然而汎愛之誠，終古  
罕類。四方律學莫不諮詢，故其房宇，門人肩聯  
踵接，成就所舉，遠近承遵。西明寺律師呂度奕  
奕，標舉一時，俊烈亦光之所進也。今麟德  
二年，東都講說師資，遵達彌所欽羨焉。

### ○捐身為法部第十九

**僧群傷鴨** 未詳何許人，清貧守節，蔬食誦經，後  
居羅江縣霍山，山在海中，上有石盂，  
徑數丈，水深六七尺，常流，古老傳云是群仙所  
宅，飲者成仙，群飲不飢。晉安太守陶夔聞而索  
承，群與出山，便鼻自往，風雨不能至，歎云：凡聖  
有隔，群庵與水隔一小澗，以木為梁，後有一鴨

折翅遮群，取水欲舉，錫撥之，恐傷，彼因是而迴  
向，菴嘆息。幼年曾傷鴨翅，以此因，也不飲數日，  
而卒，一百四十歲矣。**墨稱為奴** 河北人少，而仁美，惠及昆  
人，俱老八十，窮悴無依，稱遂捨戒為奴，累年執  
役，養之自內，修道未嘗有廢，人皆嗟之。及二老  
卒，備賃為直，回為埋葬，追福事畢，還道法物未  
備，宋初彭山下虎災，傷人日有，一二稱乃謂村  
人云：虎若也，食我其災必息。村人諫而不從，獨  
坐草中，願充虎食，息災害，意未來願汝得充。法  
食至夜四更，虎噉稱，唯有頭。**法進施身** 姓唐，涼  
在村人起塔，因是虎災永息。**法進施身** 州張掖  
人，幼而精苦，習誦有德，蒙遜所重，知吉凶，飢儉  
求乞，以賑貧乏，後以刀鹽相隨，至餓人所，令受  
三飯，割身肉啖之，兩腋肉盡而倒。弟子王使俄  
至，悲哭，舉將王遂開倉濟貧餓，二日後進死焚。



之唯舌不灰起塔二層樹碑  
**僧富自屠** 姓山高

銘德弟子僧遵亦有道行  
霸為藍田令富少孤居貧篤學無狀採薪為燭  
讀書及至冠年備盡經史美姿容善談論後遇  
楊邕將軍見重習鑿齒聽安公講放光心遂樂  
道依安公受業後還鄉居廷尉寺絕事人間時  
有村賊劫一小兒去欲取其心肝解神富見知  
之脫衣以易小兒賊不許富云大人五臟可否  
却戲言好富乃以刀畫心至臍劫等更相咎責  
即與小兒路人見之送還歸寺後不知所終矣  
**法羽勇猛** 冀州人十五出家為惠始弟子始立  
達其道常欲仰軌藥王燒身供養時晉王姚緒  
鎮蒲州以事白王王曰入道多方何用燒身不  
敢固違幸願三思羽誓志定即服香油以布纏  
身誦法華至捨身品以火自燃年四十五道俗

悲也**惠紹生梧** 不知氏族小兒時母哺魚肉即吐  
也蔬食不疑八歲出家為僧要弟子

要清謹有懿德年一百六十終要精苦慍勵隨  
要止臨川招提寺密有燒身之意聚要諫不從  
乃積薪石室辭僧謂同志云燒身處有梧桐生  
勿伐紹自行香誦經然火而坐燔至眉聲猶不  
絕大眾咸見大星落入火中却上  
**僧瑜雙桐** 吳

如對是天宮取紹年二十八矣  
餘杭人弱年出家業素純粹元嘉十五年與同  
學曇温慧光於廬山南嶺共構精舍名曰招隱  
瑜常狀其身欲繼藥王高躅獨何云遠宋孝建  
二年六月三日積薪為龕設會群衆雨霽即晴  
火然至眉誦經不絕道俗知者奔赴願結因緣  
共見紫氣騰空年四十其後十四日瑜房中生  
雙桐人謂娑羅樹號雙桐沙門  
和張辯  
為南平長史見而為傳并贊在傳不錄矣  
**惠益**



**藥王**

廣陵人少出家隨師止壽春宋孝建中止  
竹林寺誓欲燒身人聞或毀或贊至大明  
四年却粒聚薪唯食麻麥蘇油香丸孝武敬異  
勅大宰江夏王義恭詣寺諫益益志不移大明  
七年四月八日辭帝以佛法付託帝聞改容帝  
與仕庶填滿山谷帝留勸止益曰微軀賤命何  
足止留天心願度二十人出家降勅即許益手  
自然之合掌誦經火至眼住貴賤哀嗟嚮震山  
谷空中天樂王衆皆聞盡日方散帝  
為立藥王寺設齋度人有異香等  
**僧慶如龍**  
姓陳巴西安漢人家世事道慶生獨悟十三出  
家止義興寺淨修梵行願求見佛先捨二指末  
誓燒身絕粒服香油大明二年二月八日淨名  
寺前燒身刺史張悅躬出臨視觀者如市行雲  
為結見一物如竜從積昇天時年二  
十三天水太守裴方明為收灰起塔

**法仙松葉**

秦州陝西人少而有信年二十九方出家苦行  
頭陀不衣綿纈絕粒食松葉後於齊永明五年  
燒身於記城寺火至目誦經  
**曇弘金鹿** 黃龍人  
不絕年三十一法存亦燒身  
行專精律部宋永初中南遊番禺止臺城寺晚  
又適交趾之仙山寺誦無量壽觀音經求生西  
方孝建二年山上積薪密往自焚村人咸見弘  
身黃金色乘金色鹿西行甚急不暇喧涼道俗  
收骨起塔焉  
**法凝燒身** 會州人姓庵初齊武帝  
下續高僧傳 夢遊齊山不知在何州  
縣分頒天下覓之勅令造寺奏在會  
州凝居之習禪誦經煉指焚身等  
**僧崖耐火**  
姓韋祖居涪陵童幼少言不雜俳戲每遊山泉  
禮而後飲或諦視不瞬乃坐以終日人問其故  
答云是身可惡我思之耳後當燒也隨伴取魚  
得已分放之然非好業乃依悉禪師出家言訥



如癡師足冷索火卽以大爐猛火師云癡人太熱崖云爲冷索火得火嫌熱孰爲癡人情性若斯安能得道師云汝不嫌熱可安手火中隨聲內火顏色恬然師返却禮後救病苦無不愈者年逾七十心力轉強後燒兩手人云痛不云痛由心也人不信法故我燒手是以人呼僧崖菩薩手生五骨日折施人令起塔供養也後又捨身燒之惟心不爽稱光明王菩薩後數現身乘金色鹿亡名蜀異記述之今卽略也

**普圓施臂** 容貞姿美身相偉夫神彩多歷名山太川常以頭陀爲志樂行慈利益爲先人有投者輒便引度示語要行令身苦節誦花嚴經一部潛其聲相人無知者弟子侍讀方知後常坐禪床斂容在定曾因乞食在村林墓夜有強鬼形極可畏四眼六牙手持曲棒身毛垂下徑至其前圓無怖色後因人從圓

乞臂及眼乃施

**普濟食草** 雍州人依圓禪師出之因是而化矣

世因周滅法入太白山食草飲水願法再興捨身供養遇隋再興卽焚身終矣

**普安施身** 姓郭京兆涇陽人依圓禪師出家以身施蚊蚤任從所食苦節如是又依藹法師請業善通三藏常業花嚴禪定爲念隱于終南山大建龕室有賊盜物迷不能去開皇八年頻勅入京爲皇儲門師後延任寺名須帝宇身

**大志然臂** 樂巖阿太業中因疾而化春秋八十

姓願會稽人家在山陰發蒙出家師智者大師言氣清穆儀相貞嚴後住廬山遇法滅諫帝願然一臂帝然之乃酬其願志結操松升冬夏一服無御縑纈布艾鹿素以此爲常形極鮮白眉目分明脣如丹畫裙垂半脛足

**知命私度** 姓鄭躡蒲屨言氣爽朗不測其終矣



清勝文華曜世辭鋒所指罕有當者初隋朝爲羽騎尉任役期薄逃官南畝楊素見而重之後事僞鄭私自剃頭王怒煞之臨終書詩取別云幻生自幻滅大幻莫過身安心自有處求人無有  
**玄覽遺文** 姓李趙州人十三依超禪師出家後因至渭水捨身留遺文敬白十方諸佛自出家十二夏  
**法曠種蒞** 姓駱雍州人雖沾僧數本業未成等  
**愛儒素** 後聽榮法師大論年十六便講性樂儉約不尚華靡故其房中無有氈席蒲院種蒞以擬行坐年登知命便但三衣瓶鉢之外一無受畜卓然正色慄潔風霜有與語者惟言離著後於終南山便事捨身四衆遮  
**紹飼虎避** 紹閣梨講莫可止之乃立碑銘德  
**玄武人** 姓蒲將身飼虎虎嗅而避之人如其美後諸處有虎災者請紹至彼即止後終施禽獸

尸亦**食通誦經** 雍州萬年人少欣道檢遊泊林豹林寺誦法華經至藥王捨身品慕之遂即自燒有白光來迎時衆皆見矣  
**善道念佛** 導周遊寰宇求訪道津時道綽禪師觀門弟一勸人念佛弥陀名號書經數萬卷士女奉者無量有人念佛而死衆見  
**道休七日** 任雍州生於淨方導自繼之爲聖  
**頭陀爲業** 結草爲庵七日一食後有信者期日施食休常但三衣不服繒纈以爲傷生又所著布衣積年塵朽見者寒心時屬嚴冬忽然呻噤即脫二衣露背而坐冷厲難耐便取一重披之遂便覺暖自誠勸云汝大易誑如何一衣前冷今復暖以死要生業道者罕有蹤也西域諸德亦多衣布恐傷生也  
**無最菩薩** 姓董武安人靈下續高僧傳護法也  
**悟洞徹** 食寢玄



秘少稟道化名垂朝野爲三寶之金湯誦經習禪博貫玄儒尤明論道七衆望塵奄有繁開曾於布薩常衆之外有六十僧皆是聖衆天竺僧也菩提流志見於最禮之號爲東土菩薩元魏正光元年明帝加朝服請釋老兩宗上殿論義有清通館道士姜斌與斌對論帝問佛與老子何先斌云一時西人化胡佛爲待者文出老子開天經最曰老子周何王生何年西人斌云定王三年陳國苦縣厲鄉曲仁里九月十四日夜生簡王四年爲守藏吏敬王元年八月五西入關見尹喜等最曰佛昭王二十四年四月八日生穆王五十二年二月十五日入滅經三百四十五年始到定王至敬王西入四百三十年西入言化佛者得無謬矣帝令斌下席又開天經何人造中書舍人待即魏收等一百奉勅取經讀訖奏云老子只說五千文此經是僞帝云斌

罪當貳衆宜歸刑戮菩提三藏救之配徙馬邑最學優程譽出乎魏史達儒朝士降階設敬接足歸伏佛法中興惟其道臻利深姓牛長安人開務後乃不測所終矣出家清貞不群非類謙虛寡友惟勤讀誦則法師等有所望失皆來問之立寺三所水田四百頃梨棗雜菓望雲而合及卒帝哀之變朝葬事出墨顯醉論於天府墳地一頃在統師墓側矣墨顯醉論不知氏族魏季遊鄴宿無定所每有法會皆至座未惟上統異之陸修靜至齊索僧論義也帝乃大集沙門與道士論義時道士咒諸沙門衣鉢飛舉昌言神通權設抑挫強侮沙門現我當現二帝命上統與修靜補試上曰方術小伎俗儒耻之况出世也然天命相拒豈得無言令下坐僧對之時顯醉酺扶令登座因立而笑衆皆憚焉顯曰李宗向言現一即舉二乃翹足而



立曰吾以現一道士相願無言向飛衣鉢令取  
稠禪師衣鉢不能動之帝令武士十人舉之十  
不能動乃至內外大小是非皆被顯隨時折挫  
緘口無言勅令道士歸佛出家如不伏有通者  
令上三雀臺自飛而去也乃下詔曰法門不二  
真宗在二求之正路寂泊為本等顯後潛遁不  
知所靜藹捧心姓鄭榮陽人夙標俗譽溫潤知  
終矣名神氣夷簡卓然物表甫為書  
生傳志經史諸鄭魁岸者咸賞之謂興吾宗儻  
其此兒矣因與同位遊寺見地獄變相遂告二  
親投瓦官和禪師出家受具聽大論一聞神悟  
後居白鹿山又居終南養諸癩者感虎抱地而  
泉流藹立身嚴格遇周滅法諫帝不從入山捧  
心捨身割肉在石面西而卒血皆是乳留偈書  
石曰一不能護法二道安九戒姓姚馮翊人識  
身多過三願速見佛悟玄理早附法

門性無常師聞道至彼任太白山立一教論時  
甄鸞笑道論同時進止之後誡門人立有其九  
戒一出家辭親無預聲色二不願金玉惟道是  
珍三無慾存妙軌真守撲四無戒食施死入太  
山五須使志操冰玉相似六閉居清白七立行  
可觀八乍忍飢寒九須言可貴有德可珍有弟  
子慧寶等並列名於世並傳大論僧勸論道未  
繼踵法輪著述極多從師繼美矣詳  
氏族任新州願果寺周武重道不崇釋門不遠  
千里詣闕謁帝面陳至理以邪正相忝僥情趨  
竟乃著論十有八條難道本宗又班固漢書品  
人九等孔丘之徒為上老子為中何晏王弼云  
老未及聖黃初三年勅云老是賢人未宜先於  
孔子老子廟因漢桓帝立不測勳之所終勳女  
六僧猛大統益州成都人姓段或云京兆人姿  
容都雅神情秀拔童孺出家素知



希奉，聰惠利根，幽思通達，數十年間躬事講說，凡有解悟，靡不通練。魏文勅，猛在殿開闡般若，貴宰咸往，味其道訓。周明下詔於紫極文昌，殿更互說法黃巾之徒，悉皆摧伏。勅為大統八十二年終坐卒。**智炫伏賓**，成都人，姓徐，初生之夕，辭衆云去矣。室有異光，少出家入京，聽學擅名。京洛後周武滅法，下勅集僧道論義，長留短廢，常自臨座。道士張賓於先登座，唱言大道清虛，淳一無雜，祈恩請福，上通天曹，白日昇仙，壽與天地同畢。風教先被中夏，無始無終，含生賴之以得長生，洪恩厚利，不可校量。豈得可如佛法虛幻，言過其實，不容本國，客寓中華，百姓無知，信其詭說。今日欲定威否，可出類來。襄城公何安自行，如意座首，少林寺行禪師禪師發憤而起，諸僧止之，曰：今日事大，天帝在此，不可造次。共推炫公，於是炫執如意昇座，畢謂

賈曰：先生向者所陳風教之起，起自何時？所說何處？佛是何時？生等實曰：聖人出世有何定時？說教興行有何定處？道教先有，佛法新來。炫曰：若言無時，亦應無出；若無定處，亦應無說。上請天尊，豈得無雜？壽與天地同畢，豈得終賓莫知所對？帝令下座，帝自昇之，曰：佛法有三惡，朕欲去之。一、納耶珠，生羅睺，主不淨；二、食肉，三、淨法不淨；三、比丘犯重，衆不淨。道無此，也能解此者，真是好人。炫服承陛下所陳道引經論，蓋權教，亦道門三惡，又甚於此。一天尊紫微宮常侍有五百童女，主不淨；二章醮，請福鹿脯，百斤清酒，十斛，教不淨；三道士千古亂常，姜斌犯法，代代有之。衆不淨也。此即廢，即同廢，留即同。留帝時無對，而散炫。後年一百二歲卒。**曇選如**，姓崔，高陽人，神惠譎詭，偶異時俗，雖博通經術，澀繁著名，護法為慮，任并州大興國寺，每



有衆集問酬往還擊節爲要莫敢當者目爲豹  
選從揚諒逆後揚素敗之入寺責僧何不規諫  
可依軍法此並同反選曰佛法陵遲時由無有  
德可以動俗致有亂階結聚不能誨以忠信此  
誠如公言素乃舒顏令衆且還留向對僧擬論  
機務尋有勅放僧合衆獲安誠選之功也後遇  
大飢養貧病人數百日與同食乃至有年後有  
僧聚衆自讖法惑入選至彼問依何行曰占察  
經有四卷令讀遂將一卷選曰四卷齊讀曰識  
不二緣曰豈將吾識同君識耶乃齊讀選分別  
不錯乃令止讖法後將欲終問近侍曰何處可  
生曰西方可乎曰身戒安樂吾非余儔曰可無  
生曰須我者爲生端坐  
**法通斃犬** 龍泉石樓人  
儼然而卒年九十五矣  
開皇末獨懷  
異見超出意表剃二男二女并妻各委僧尼時  
有問者曰我脫枷鎖自依通化寺明法師出家

稽胡龍門嵐石汾隄無不從化多置邑義月別  
建齊但有沙門皆近村邑至今流行曾被縣令  
禁在獄中便通夕行道異性覺集令怪而放通  
曰獄中行道正得道理又何見放苦請引挽方  
出曾投人宿犬咋其脛犬尋被霹靂死後卒龍  
泉余以貞觀初親往問得隰州僧綱說可謂光  
開佛日化導塵  
**明瞻一人** 姓杜恒州石邑人少  
蒙不說其終矣  
有異操住龍貴村二  
千餘家同共高之傳于口實十四通經十七明  
史州縣舉爲俊士性慕超方不從辟命投飛龍  
山應覺寺出家師密異之乃致書與鄴下大集  
寺道場法師令其依攝專學大論尋值滅法隋  
朝再立勅任相州法藏寺立志貞明了無他涉  
內通大小外拯丘墳後在上京勅預翻譯舉知  
寺事大業二年帝南郊下勅令僧尼道士女冠  
拜李宗齊拜瞻與僧衆不拜帝曰宋武何拜曰



不拜被誅陛下有治存正不陷無罪故不敢拜  
帝不屈其言連遣舍人語僧何為不拜如此五  
迴黃巾連拜瞻衆長揖如故抗聲敘對曾無憚  
懾帝令錄僧名放退有司募敢死者至瞻又先  
登雖連申遜之辭帝怡然不荅下勅於兩禪定  
寺設盡京城僧齋再遣東帛將隆帝准後迴蹕  
西郊語朝宰曰朕為國無僧今驗一人可矣又  
勅為知事上座至貞觀年頻徵入內躬昇御床  
述明君昏主慈救等因即下勅年三月六齊斷  
屠行陣之所立寺七處勅造瞻之功也又每年  
施物常飯千人太乘經論與人後隱太一山智  
炬寺七十卒化佛來迎引觀行成就端坐如生  
貞觀二年十月十日**慧乘千里**姓劉徐州人其先炎漢  
月二十七日之後祖欣梁直前將軍  
瑯琊太守父雅陳兵部中郎叔祖智強少出家  
陳任廣陵大僧止閑成論涅槃乘十二入道禮

強為師備探精理十六謂強曰出家千里名在  
家僧乃下楊都聽莊嚴寺瞬法師成論即預陳  
武帝仁王齋對御論義辭辨詭倫數千人中獨  
迴太卷又四月八日帝令縱集義學乘乃立佛  
果出二諦外義有一法師問曰為二諦出佛果  
耶乘曰法師住開泰開泰為出法師耶瞬公歎  
曰可為辨才無尊也帝賞天柱布納袈裟由是  
名顯天下又勅乘為四方大都講主又勅為高  
昌王麴氏講金光明經王布髮請踏又武德八  
年三月勅三教立論道士潘誕云佛六年求道  
成佛乘曰佛生周初道生周末豈先佛而求後  
道若別有道先天地者三皇已前何以不聞若  
一陰一陽之道者此理數之道大羅玉京五千  
不說於是無對乘釋蒙入道護法為心撫物卹  
窮弥留情曲言辭無滯文義俱揚寫注若流有  
如宿誦此之一術沒後絕蹤而身歷二朝政移



六帝類身中殿面對天顏神氣嗇仍自見英德莫不推焉七十六卒琳公為碑文門人道綽乘之猶子少所供奉立性誠懿偏能頃贊清轉宛約有名於時每為都講倫則京邑多嚮其塵

**智實白毫** 姓邵雍州萬年人童稚兒聚諸詭超異預有談論佛理言先十一出家依止惣持寺聽教玄奧登共敬之涅槃俱舍曇論等皆鏡深義武德中鄭國初平三大法師慧乘道宗辨相等王上為秦王威明宇內志尚法門乃請二大德并京邑論士二十餘人在弘義宮通霄法集實年十一最居下座上命對論發言清卓驚絕前聞新至諸僧無敢繼者上及諸王異聲同歎此小師最俊烈後必紹隆三寶實肩間有白毫可長數寸光映顏額沙門吉藏摩其頂捋其毫曰子有異相躡跡能仁恨吾老矣不見成德至武德七年後狃孔熾有僧法雅與高

皇帝布衣之舊給其妻勝任其僭溢遂奏勅請選千僧以光步卒實與書諫不從轉加催促實入眾內撮之連擊今日降魔勅下罷僧役實令歸俗後因朝議却復僧伍後因太宗尊祖勅僧尼居道士女冠之後實諫不遂乃因得疾與寺中諸德言別化佛來迎二十八終身不入市手不執錢常持三衣三原信士方四十里哭追修百日始散次有僧普應亦列亮僧也與傅拒論傅杜口無言亦彭亨強捍僧傑也不可抑之應師主法行亦真正僧皆住惣持每日六時常立參佛自問自答見佛如在後屬飢

**弘智絕粒** 姓萬年大能濟眾後歸楚國講論卒

始平槐里人大業十年入山修道絕粒後乃出家隱終南山至相寺所獲法利積散不窮匡護之開士也講花嚴攝論六十一終施之林下門人起塔門人等咸謹卓志行不墜遺風重誨



誘之劬勞，悼願後之永沒，迺共寫八部般若，用崇祀帖之恩，又建碑一於至相寺門，高二丈四尺。**法琳辯正**，有別傳三卷，李懷琳作序，福仙寺僧法琮集廣述其事行，今依傳略之。琳自製辯正論八卷，破邪論兩卷，流離八水，願步三秦，又曾潛於巾褐，李宗奉釋之典，張偽葛妄之書，倫等悉知，未備觀，乃却歸釋氏。後因抗勅，至百牢關，菩提寺序公膝上，終葬東山頂，望者淚下。序公本雍州人，通經藉明，攝論以百牢衝會四方要路，道俗棲投，序乃立寺接之。琳公所著詩賦啓頌碑表章疏合四十卷，並金石擊其風韻，纏錦續其文思，又善應機，引導卽事，騁詞言會，宮商義符，金石入藏，行世矣。**道會改觀**，姓史武陽人，初出家，住益州嚴遠寺，會乃器宇高簡，雅調逸群，四方道俗旦夕參候，以關蜀小

狹，聞見非廣，乃入京，詢訪經十餘年，經論史籍，薄究宗領，還蜀，欲大開釋，有道士宋冀於陰山縣下新立道觀，屋宇成就，置二十人，會經摠管，段倫陳，銜乞改爲寺，宗黨不肯，會遇安撫使李襲陳，辭道士一時驅出，會曰：未能改天下，觀爲寺，且改其一。後入京，與琳公助修辯正，後歸蜀，法徒同送城外，臨別有詩云：去住俱爲客，分悲損性情，共作無期別，時能訪死生。道俗聞者無不下淚而別。至蜀有法曹裴希仁，自務門學，會與相見，輕有譏誚，會曰：蜀川雖小，賢德如林，漢朝八俊，惟張綱埋輪，東洛數日，豺狼當路，安問狐狸，奏誅梁冀，威攝四海，希仁愧曰：江漢多靈，其斯人也。**智勤佛現**，姓朱勅，送舍利，隋州置大，年七十卒。每處衆發言，無不允睦，精誠勇猛，事皆冥祐，初母患委頓，爲念觀音，宅中樹葉之上，皆現化佛。



合家並見母疾遂愈又值隋末荒亂獨守一寺  
賊不敢犯後入蜀聽高法師講衆三千餘人令  
勤檢校安投皆得怡然內外無事一人力也後  
還鄉講維摩經三論又曾居山食盡感地踊粟  
二十碩其粒大而復赤又讀一切經兩遍後  
手執香炉如坐而卒道俗悲慟年七十一  
**藏新羅** 姓金新羅人其先三韓之後中古之時  
梁貢職圖曰斯羅也魏曰斯盧宋曰新羅本東  
夷韓辰之國藏父名武林官至一品無子歸佛  
造觀音經千卷若生子今發道心度諸生類母  
夢星入懷有妊四月八日生年過小學神睿澄  
簡獨拔恒心於世經籍略皆周覽後二親俱喪  
入山修道王相徵與不赴感飛鳥嚙花菓爲食  
天與受五戒遂轉與國人受戒貞觀十二年與  
門人十二汎海辭王而來至京勅任勝光寺財

利既積有賊夜竊見神護之生怖而返告謝藏  
爲受戒後居終南人神授戒法與之貞觀十七  
年本國請還啓勅蒙許賜絹二百匹納袈裟一  
領絲五百東宮二百於弘福寺設大會勅太常  
樂供養又得經一藏并諸佛像幡花資還本國  
既達鄉壤頃國來迎一代佛法至斯興顯王以  
藏景仰大國弘持正法綱治肅清乃勅藏爲國  
大統任王業寺又請入宮一夏講論七日七夜  
天花及降甘露從受戒者如雲又造寺塔十有  
餘所後一國皆著華服因藏力也邊國法盛於  
斯大焉又有本國僧圓勝清真僧也貞觀初來  
與藏同歸道行相次講開律部自昔東番有來  
西學經術雖聞無行戒檢緣構既重今卽三學  
備焉是知道法護法代有其人中濁邊清於斯  
在乎



持誦貫花部第二十

道遂神馬

少出家止河陰白馬寺蔬食布衣誦正法華經日一遍又精達經旨亦為入解說嘗於夜中忽聞扣戶云請法師九旬說法固請乃許是白馬神日自為說惟一弟子餘無知者後寺僧遇見廟中有說法聲見遂與弟子有奇香等後道俗共咸謂異神至夏滿施白馬一匹白羊五口絹九十匹咒願受之遂不知所終法相恬鳩姓梁不知山居精苦誦經十萬言鳥獸集其左右皆馴若家禽太山祠有太石函貯財寶相時山行宿於廟側忽見一人玄衣武冠請相開函言絕不見其函石蓋重過千斤相試提舉飄然而起於是取其物以施貧乏後度江南止越城寺忽遊縱放蕩排優滑稽或時裸袒于冒朝貴晉鎮北將

軍司馬恬惡之不節乃命鳩之連飲三鍾神氣

清夷淡然無擾恬大異之晉元興末卒年八十

又有曇益僧法法純有德未詳何人少出家止

並苦節通感矣法純有德山陰顯義寺苦行有

德誦古維摩經晉元興中為寺蘭渚買其故屋

暮還關中遇風舡小念觀音俄而至岸後不知

所僧生寺任姓袁蜀郡人少出家以苦行致

終誦法華習禪於山中誦經虎來前聽誦竟而去

後每至誦經有人侍立老而翹勤彌厲後少有

疾語侍者云吾將法宗射鹿臨海人少好遊獵

去矣奄然而卒法宗射鹿因射孕鹿隨胎鹿

母噬箭馘子宗乃悟之貪生愛子有識所同於

是摧弓折矢出家分衛一食蔬苦六時以悔先

罪誦法華維摩昇臺誦之響聞四遠仕庶受道

戒者三千人所居為法華臺後不測所終道



**罔水破**

姓馬扶風人初出家為道懿弟子曾為

水三人溺死罔念法華觀音得度見光如螢引

出後修禪業節行設會普賢梵僧現寺後與同

學四人乘冰渡河中道冰破三人溺死罔又念

觀音得存或夜誦經有車牛來請上至明不覺

在寺**惠慶彈指**廣陵人出家止廬山學通經律

外矣維摩每夜吟諷常聞空中彈指贊歎之聲曾乘

瓶遇風誦經如有人扶瓶至岸於是篤厲彌勤

宋元嘉末卒

六十二矣**普明別座**姓張臨渭人少出家稟

性清純蔬食布衣誦法

華維摩一經每誦之時別衣別座未嘗穢雜每

至歡喜奉行見普賢乘象在前亦聞空中樂又

善神咒有疾者求之即愈有王道真妻病請明

入門一物如狸而走出其病即愈年八十五卒

**法莊神衛**

姓申淮南人十歲出家為廬山遠公

公受業元嘉初出都止道場寺誦涅槃淨名法

華每後夜隣房聞門外有兵杖羽衛之聲大神

來聽年七十六

卒宋大明初也**惠果鬼敬**豫州人少出家以蔬

師止瓦官寺誦法華十地常於廁前見一鬼致

敬於果曰我昔為僧為眾作維那有小過墮在

噉糞鬼中法師德高慈悲拔濟昔有錢二千文

埋在柿樹下希取為作功德果遂取錢書法華

經一部人為設齋後夢相謝至宋太

始年六月脚坐而卒年七十六矣

**法恭養蠶**姓關雍州人初出家止江陵安養寺後任京東

安寺少而苦行蔬食布衣誦經三十萬言每夜

誦經有異香入恭房侍者聞之破納聚蠶蠶披

以飼之宋武文惠二帝重之及衡陽王義慶並



崇戒德常濟貧病不畜私財宋太始中卒年八十時烏衣亦有僧恭德業高明摠綱寺任不食粳糧唯**僧覆嚴正**少孤七歲出家為曇亮弟子食豆麥蔬食抗志持咒誦經太品法華是所常習宋明帝深加器重勅為彭城寺主率衆有功宋太始末卒六十六**慧進雄**猛姓姚吳興人少而雄猛任性遊俠年四十忽有賊來劫求物云有寫經錢在佛處賊聞赧然而去因是經就病亦小差誦經亦終情厲逾堅常修福業願生安養後聞空中言汝所願以足得生西方永明中無疾而卒年八十五京亦有龍華寺僧念誦法**弘明水瓶**姓羸山陰人少出華金光明經等家貞苦有戒節止雲門寺誦法華習定六時禮懺每旦水瓶自滿諸天童子時來去也後有童子聽經明問何人

曰我是寺中沙弥因盜僧食今墮廁中以上人有德願加濟拔明為說法勸勉方隱後又被山精惱明以繩繫之鬼謝咎而放元喜中平昌郡守孟頴請出重其真素止道樹寺大明末陶里董氏又為明村中立栢林寺居止門人**惠豫得**成列訓勗禪戒齊永明四年卒八十四**限**黃龍人來遊京師止靈根寺少而發學遍訪大涅槃法華十地又習禪忽有三人來迎衣冠鮮紫執持花蓋豫問不知覓誰曰法師應死故來相迎曰小事未了可申一年得否曰得後一年而卒永明七年年五十七矣同寺有僧法音亦素行**道嵩孤清**姓夏高密人十歲出家少而誦經宗誦經四十萬言色無喜恤性好檀捨隨獲利養皆以施入瓶瓶之外略無兼物後止鍾山定



林寺守靜閑房，懺誦無輟，請**超辯禮誦**，姓張，燉

戒者衆，卒於山年四十八。而神悟履操，深沈誦法華金剛般若，聞京師盛行佛法，迺越西河路遊巴楚，達于建業，觀山水後止，定林畢命，山門誦法華，每日一遍，禮千佛一百五十餘萬拜，不出山門，三十年齊永明十

年卒於山寺，年七十三矣。**法慧秉志**，姓夏侯，秉僧祐作墓誌，劉騶作碑文。行水嚴以宋大明末，東遊禹穴，隱於天柱山寺，誦法華布衣蔬食，志就入外居，閣不下三十餘

年，王侯稅駕拜房，而返惟汝南周顒，以信解兼深，時與相接，時有慕德，因顒而得見也。年八十

五卒，又法師僧志法定**僧俠法華**，姓龔，西涼州曇遊並誦經數十萬言。蔬食禮懺具戒，之後遊方觀化，宋元嘉中至京

誦法華維摩，金光明，一日一遍，六十餘年入蜀。

迴又建石室安禪，自息慈至於捨命，肉辛未嘗近齒，日影小差，虛中不食，合掌而卒。永元二年

八十九卒，又有僧慧溫亦誦法華維摩楞嚴，有高節行，**慧彌無喜**，姓楊，弘

人漢太尉震之後，十六出家，及具戒後，志遂遠離，迺入長安終南山，人馬莫至，負錫獨前，虎兇

無擾，少誦大品，又精修三昧，剪茅結宇為栖神之宅，時至乞食，食竟還室，如此八年，後聞江東

法盛，觀化京師，為人溫恭，喜愠無色，黑白造山為說法，提誘爰自出家，至于衰老，薰辛永絕，不

出山門，三十餘載，常誦般若，六時禮懺，必為衆先，梁天監十七年卒，七十九立碑頌德，又有僧

法仙亦誦經有素節，還**道琳出頭**，本會稽山陰，吳為僧正，卒於所住矣。

後居富陽縣，泉林寺寺有鬼，性自琳居之，即絕



跡也琳弟子慧辯為屋壞押頭入胸琳為所請  
詔夜見兩胡人拔出其頭且乃如故琳之力也  
琳乃設聖僧齋見帛上人迹長三尺眾服其徵  
感富陽人後家家立聖僧坐位天監十八年卒  
年七十  
三矣

### ○荷負興崇部第二十一

**慧達禮塔** 姓劉并州西河離石人少好遊獵年  
獄苦報有一道人云是汝前世師訓誨說法令  
其出家往丹陽會稽禮塔悔過以滅先罪即醒  
已出家學道至京造三層塔塔成之後每夕放  
光乃令人掘得佛髮爪金銀棺槨又建塔群鳥  
無敢栖息凡近寺採捕者必無所獲道  
俗傳信莫不終仰達篤厲終年不改 **慧元再**

**現** 河北人為性品善喜愠無色常習禪誦經勸  
化福事以為恒業晉太原初於武陵平山立  
寺有二十餘僧食蔬幽遁永絕人迹以太元十  
九年卒後武當下有人見之神色甚暢寄語寺  
僧勿使寺業有廢自是寺內常聞空中時有磬  
聲依而集眾未嘗差失又有僧慧直清苦有戒  
節後絕粒餌 **慧力瓦官** 未知何人晉永和  
中來修福至晉興寧中啓乞陶處為瓦官寺初標塔  
基是今塔之西夜彼神移東千餘步後即安塔  
至晉孝武太元二十一年夜天火燒塔帝曰不  
祥勅法尚等速依前造載安造像未畢後載顛  
畢之長丈六又有師子國四尺二寸玉佛又  
晉司徒王謚東掖門外掘得金佛七尺二寸  
**受夢龍** 安樂人晉興寧中來遊京師蔬食苦行  
常修福業行遇王垣之園夜夢立寺乃



求立屋王即許焉常夢有青龍從南方來後於  
江上果得一木水上自以為利柱坦捨園為安  
樂寺因此丹陽尹王雅東燕太守劉綱豫章太  
守范甯並捨宅為寺有道靖道敬等更加修飾  
至今崇 **僧慧感燈** 不知何處人少來好修福業  
麗焉 晉義熙中立寺於京師起草  
屋數間便集僧設齋堂內兩燈忽自行道大衆  
驚嗟訪諸耆舊咸言燈移處是昔外國道人起  
塔之處於是就共立基 **僧翼絕塵** 本吳興餘抗  
以燈表瑞賜崇明寺 **僧翼絕塵** 人少而信悟  
便有絕塵之操初出家止廬山依慧遠法師修  
學經論又依羅什後住五岫山苦節蔬食四十  
餘年七十卒立碑 **道敬事象** 琅琊曾族晉右將  
寺前孔道製文 軍王羲之曾孫避  
世出家情愛丘壑止于若耶山立懸溜寺後為  
衆供養專持十戒又曇學居止秦望之北樂林

寺又部相灌備並名 **僧洪像聖** 豫州人止于京  
望僧住在東岳矣 師瓦官寺少自  
修身整潔後率化有緣作丈六金像鑄始畢  
仍未開模晉末禁銅甚嚴洪被禁勘伏罪受刑  
夢像令勿怖參軍監煞牛車奔赴剎日 **僧亮祈**  
別奏尋蒙原放供後以苦行精厲而卒 **僧亮祈**  
廟 未知何處人少以戒行著名欲造丈六金像  
廣有銅器而神極威嚴無人敢近亮往乞之告  
刺史張邵借大舡人吏邵曰廟靈犯者必死又  
蠻人守護詎可得耶亮曰若果福德與檀越共  
如其有咎亮自知之邵乃給舡人舡三日三夕至  
廟大蛇長數十丈兩條護廟亮執錫咒願蛇隱  
尋有一人乘竹笏而來曰聞法師道業非凡令  
相隨喜遂取銅器功 **法意多寺** 江左人好營於  
德就焉唾壺不取矣 福業造補五十



三寺晉義熙中祭酒朱子應分山與意爲延賢  
寺杯度往來多止此處云尋有諸變地對大堂  
易爲福業地本無水因意求南海人慧敬神奉少遊學  
之感泉流注意後不知所終荆楚博通經論常以福業爲務故義學不得全  
功所立塔像助成衆業戒節嚴明勅爲僧正願  
生西方曾有沙弥被鬼所打後山精現法獻童  
形詣敬謝各部屬不知橫傷沙弥矣  
子廣州人始居北寺寺久凋毀率化有緣更加  
治葺改延詳後藏微山創寺寺成已有一童  
子携來歌云藏微有德道歡樂無央忽然不見  
舉寺皆驚後入定見神人曰磬繩斷應治如言  
常勤福事栖心禪戒未獻暢稱名法獻姓徐西  
嘗虧節後不測所終矣海近水人先  
隨曇舅至梁州出家元嘉十六年至京止定林  
寺博通經律志業強捍極能匡拯後西渡葱嶺

至于闐獲佛牙一舍利五十粒及經像等從烏  
纏至茵茵國宋文宣夢見方傳道俗王肅王融  
等並投身投足永明中被勅追與長千寺玄暢  
爲僧主分任南北與武帝對談稱名後帝見僧  
稱貧道帝問王儉僧對君得坐稱貧道否儉荅  
漢魏未見記傳後來皆稱貧道預坐晉初亦然  
中代庾冰等欲使拜跪皆不可行帝曰拜即太  
甚稱名亦無嫌自系沙門稱名於帝暢建武初  
卒年七十五矣弟子僧祐立碑沈約作文獻所  
得經像佛牙在上定林寺後初夜數人乍扣門  
稱是臨川殿下奴伴在閣中入僧護造像本會  
錦帳裏將佛牙去後不知所在稽剡  
人少出家尅意苦節戒行嚴淨後居剡石城山  
隱岳寺寺北青石壁高數十丈中央有如佛焰  
光之形上有樹林垂枝若蓋常有光明絃管之  
聲護於是願造十丈石佛擬弥勒千尺之相招



結道俗僅成面像護溝疾而亡臨終曰吾本不  
期一生第二生中必就後有僧叔纂襲遺功至  
梁天監六年有始豐令吳郡陸咸夢神告晉安  
殿下有疾護所造像畢即愈遂告晉安帝帝勅  
祐公成之疾瘳又造閣三層  
當萬字放赤光不用金也  
法悅金佛 戒素沙  
未勅爲僧主任京師正覺寺敦修福業四部所  
歸後聞彭城寺有丈八金佛宋車騎徐州刺史  
王冲德造光相之工江右稱最州境僧尼有災  
隨多少流汗湿地時梁王鑠鎮彭城少信發願  
親拭之汗乃止悅欣觀靈神誓願瞻禮後悅欲  
造丈八大像以申厥志至梁方許并助造光跌  
用銅四萬斤感羊車送銅不知來處像成勅移  
光宅寺尋又放光異香天樂等自慈河以右金  
像之最唯此一耳

下續高僧傳

### 明達化導

姓康康居國人童稚出家嚴持齋素  
初受十戒便護五根年及受具足行  
業弥峻脅不著席日無再飯外弘儀軌內樹道  
因廣濟爲懷遊行在務以梁天監初來自西戎  
至于成都新開道化以蠻夷抄劫州郡得兵刺  
期誅討達愍其將苦志存濟拔獨行詣賊登堡  
慰喻招引未狎雷霆震擊群賊驚駭達乃教歸  
三寶江路坦然達之力也又路逢縛猪猪作人  
語求救達脫衣易之達造浮圖於江中因得其  
木愈甃救疾等凡有布薩說戒身先衆坐有賊  
盜物迷不能去令皈三寶放之  
天監十五年卒年五十五矣  
道瑱如鐵 姓秦  
人二十募道一親不許私往長沙決志不迴以  
死而止後往玉泉時有温疫大行同住僧二十  
人許皆臥唯瑱看守瑱自不安曰我若臥時彼  
多死矣乃念觀音夢梵僧受藥而愈在蜀人不



堪者能之號鐵禪師後返玉泉造大閣感水浮  
木七十八終感樹葉落與僧德隱誦法華經為  
林下之交一夜誦通七遍

### 僧明大像

姓姜鄜州人立性淳

素言令質撲叙晤非任而能守禁自修不隨鄙  
輩雖小閑經誥然履操貞梗有聲時俗因遊邑  
落往還山谷見一臥石有如佛像其色如鐵莫  
加鑿鑿雖多人力不能搖動乃多人亦然明執  
爐咒願其像自起具事聞奏勅以為嘉瑞改為  
大像元年高三丈六在坊州西南六十里今顯  
隆寺是也如徐州吳倉鷹之像天竺僧持來現  
在相州鄴縣大慈寺又京崇義寺有石影紫色  
如鏡現隨罪

### 道振樹血

劉氏梓州通泉人出家  
住益州法聚寺即蜀王

福不定等矣  
秀所造有高麗印法師體解大小善能講導振  
往從之數年略領將盡便還桑梓見舊凋毀即

經營四象歸之如米投海故使殿塔高華僧業  
殷實年五十八為道俗曰人生一世須廣見聞  
隨方禮拜不亦可乎太德等別易會難古人所  
重可並好住欲隨船去七月一日寺內寺樹變  
白流血鍾聲不鳴振其

### 慧達風閣

姓王家子襄陽幼年在道

善修成務或登山臨水邑落遊行但據形勝之  
所皆厝心為寺宇或修葺故寺後居天台暴布  
寺修習禪業又之武當有陳之世癘疫大行死  
者過半揚州大寺建藥藏須者便給金陵故寺  
七百達為修整二百餘所又仁壽中揚州白塔  
寺造七層閣木浮圖又於戶岳造閣七間皆用  
黃楠後邪側感一夜大風正之八十七終匡山  
達任性造真言無華綺據經引喻篤利物情然  
其形服蔽身麁惡殆不可觀外綜繁殿內收理  
靜傍觀沈伏似不能言而指揮應附立有成遂



斯則處煩不煩僧是日月姓馮綿州涪城人長八尺形自都偉威容整肅

稜固其人矣動中規矩鷹眼虎身鵝行象步聲氣雄亮志略宏大綱維法任有在右焉使岷巴領袖咸行推仰夢集虛空內手擎日月出家遂名是初欲出家父母不許鑠閉在房志感自解嘆曰夫志之感山岳轉江河絕城臺崩滄海竭日月潛光星辰改度嘉樹藏况金木之與桎梏父母願其冥感任從遊化依家法師出家受業學通大小僧祇十誦略盡綱要後多營福事武帝知名下勅迎請於明德殿言議開闡述遂聖心乃受本州三藏大隋啓祚面委僧正匡御本邑而剛伏方正賞罰嚴平前後州主十有餘人皆受戒香率象鑄佛共轉藏經周而復始施利一不少闕八十五卒未終間蓮池變白自枯竹死蓄薇非時花發常感戒神相隨守護法力寺塔

姓褚河南楊翟人避地吳郡之錢唐縣因而家焉宿植勝因且修慧業甫及八歲出家學道器宇凝峻虛懷接悟聲第之高有聞緇素陳中宗宣帝於京城之左造泰皇寺宏壯之極勅力監領百工揆側指揮至德二年又勅為寺主開皇造塔五層後因兵亂欲拆力進書不遂乞焚身供養年八十感鵲群來悲鳴而右遶七匝門人惠等師資義重甥舅恩深乃立碑東宮庶子虞世南為文今像還法洗似梵姓楊益州城都人歸本閣矣云云為入長大自似梵僧明四分善法華以大石寺有育王石鉢洗於上起塔結構九層天竺僧掘又遠尋育王基址至蜀落縣大石寺禮拜訖後往宿兩女驛將互乃聞左右似有行動之聲問之曰是十二神主從本國擁護法師至此又曰遠勞請下一現之又善畫各寫其真至成都洗乃彫相供養常講



法華獨步高蜀至寶塔品夢一女人兩手捧一小金塔可高一尺合掌問曰大冰曰凡眼一尺聖塔不知女人曰眼見寶塔不知高下况經深義遂擎塔出眾漸高而去誑九十六卒又永徽年有賊上塔辯才神報姓郭本晉陽人父任周被挾而敗蔡公侍讀因官遂天水一子之愛二親掌珠才小念善志欲出家二親不許乃絕食求之方允事天光寺崇法師即蒙落髮教以法義隨聞領解時眾訝之聽明及法師之講十地地持論等二十依遵律師受戒廣聽經律一十七年還故鄉弘道寺講般若論大光寺講干地有梵僧道聰苦節三衣闕無雜事冬不向火夏不求涼常誦法華光從口出合眾恒覩不以爲奇見才乃禮曰是非凡見坐金師子床寶帳中八部神王堂中立聽也煬帝徵講不赴後讀藏經隨經出抄入山禮大佛名經一

百遍至二十感野鹿隨禮七十一卒智興無諍異香皆聞鄉老王仁備等嗟吁而返智興無諍姓宋洛州人謙約成務厲行堅明誦經數十卷法要偈數千行心口相師不輟昏曉任禪定寺依首律師聽思力清徹同侶高之微難無諍後亦持鍾寺內有僧兄從帝遊南在路而死生於地獄託夢與妻言感興公持鍾停苦寒冷裂手不以爲苦每擊鍾時常發弘願四十五卒弟子善因宗道積戒尼河東安邑人姓相里名子才師戒範其先鄭大夫子產之後產生而手內有相里之文因氏焉父宣恢廓有大志好學該富宗尚嚴君積早習丘墳神氣爽烈年二十七出家遇洪湛律師異而度之又從朗禪師學定不出山門三年後之滄冀聽習又入京聽唯識地持等深護根門尼衆歸依初不引領每爲徒屬曰女爲戒垢聖典常言損減正法聞名



汗心况復面對無深且道貴清頭不參非濫俗  
重遠嫌君子攸奉余雖不逮請遵其度由此受  
戒教受沒齒未登參謁諮問不聽入室斯即骨  
搜潔已清貞之士河東普救寺僧普澄造百尺  
佛不就而卒也積乃繼之十年方就僕射裴玄  
真寵居上掌以鈞衡欽其令聞頻贈香供刺  
史杜楚知人之重造展求法河東堯君素隋末  
亂雁欲令僧守城積諫方止六十九卒感鍾不  
鳴貞觀十九年**德表悲敬**姓王清河臨清人年  
七月終於本寺塔見佛即禮十六出  
中所演恒鋪讚唄擁塵作塔見佛即禮十六出  
家謹敬謙恪專思行務備聞經論而心在律要  
後入太白誦佛名經十二卷而常禮誦又師僧  
邕習禪五千佛名日別一遍至終千遍感極靈  
異興善一寺千僧欲為施會人與十練僧既倍  
多感施盈積如山來者皆與悲敬等會每年一

設曾感一人餅匠有異夏月打餅不壞千人食  
之有剩又造懺悔堂花嚴堂乃夏徒跣恐虫有  
傷常修西方觀六十七卒終南起塔弟子**慧智清**  
立碑于志寧為文又曇獻亦弘福業矣**禪**  
姓王蒲坂人少在道門樂崇福事受具已後  
禪師習僧祇及至五年又兼禪誦曉夕相繼偏  
重法華後四十年創清禪寺初不告倦故使元  
級浮空林園必備庄由倉庫碾磴等兼教家人  
二十作樂聲伎之最俗里不知遇疾知卒告門  
人曰吾造寺損生今償了也言畢而卒六十九  
矣起方墳就而銘之又有僧法素居會昌寺獨  
儻不倫操業奇卓雅為眾怪本師在江表遊適  
所至設萬人大會此例非一隋末東都國城自  
固有金佛二軀在寺各長一丈素不忍見寺僧  
無食取一破之辨相等曰不可如子食父素曰  
如來因地捨身無數為諸有情何況貪惜化形



故城破亦毀更隋多人今罪只質素當亦為利濟遂破之僧皆得度一果散分卒會昌寺矣

### 智通杖道

姓陳任梓州八歲出家為正道法師弟子後誦法華十地在牛頭山善持

威儀奉戒貞苦降伏黃老士奏章必杖五十遠近皆憚寺宇修葺無畜私財常有猿鶴依時聽法講百偏兩度放光告眾曰吾造山寺可用十萬貫恨未周備今即永別言訖而卒九十七矣

寺堂皆動小食時終皆變白色經一時頃

慧震表梁

姓龍任梓州通

聽嵩師三論大領玄旨福力所被蜀郡遙推高

還南得袈裟二百領以贈路首轉藏經千人奉

施無闕常講三論後於西山作佛高百四十八

命石工道俗三萬慶此尊儀其佛口中放光舉

國皆見後終時山中土木皆生蓮花於佛前手

執香炉而死舉屍禪床百日不倒道俗萬餘悲

泣相

### 慧雲天節

姓王大原人遠祖避地止於九江弱年樂道投匡山大林寺沙

門智鎔出家錯亦標領當時有聲出世而雲慷

慨時俗精厲歸從故得異恒倫不拘物累故致

有大節大務偏所留心年二十有五有達禪師

者請為寺主不受死請而許達至其寺為首焉

雲曾取

有李五戒發願像成燃臂雲後任京弘福寺一

舉經誦五卷為度須臾尋

了無不嘉尚故畧序之

智願漢師

姓張名漢

不獨時俗聞有度僧之次便酷求之年二十出

家時號張漢師專尚讀經事諸福業有修葺處

即往勸即浮遊諸州不隸貫伍見其為福亦往

從之又見無城願會寺無其門屋往揚州求財

物木石十年不成願割其眼在其手中從自至

年施財便足明屋方就後被官中止乞禁在獄



中便死官人眼  
前常見願師  
西玄時雄  
姓程汲郡共城人立  
於文藻書翰頗為時雄所重年十一於相州慈  
潤寺出家禮慧休為師聽攝大乘阿毗曇等薄  
知禪奧自後遊涉齊魏尋師慕勝開皇中與呂  
才栖蒙山隱遁守節貞素木食澗飲怡然味道  
無問幽深武德中本師先任蒲州栖巖便往同  
止貞觀初因事入京以德行見稱勅任普光寺  
二十年弘福譯經又被徵入綴文證義二十二  
年高宗在春宮奉為文德皇太后造大慈恩寺  
又勅任焉頭慶五年榮國夫人楊氏上后之母  
也居常供養修造功德咸資口實龍朔二年十  
一月十三日遘疾自知不救謂門人曰吾年七  
十死無恨矣願造一億金銅隱起像其功未就  
後項終畢言盡氣絕容自如生觀者如市長安  
令揚恩具表聞奏天子嘉焉下勅曰普光寺僧

聞有異也業行淳修道俗推仰奄然坐化釋眾  
摧梁宜給鼓吹威儀送至墓所丹北赤車長幡  
飛蓋鳴鞞駐地清笳入雲隱振駢羅數十里外  
唐運已來盛儀送唯玄一人賀蘭敏之製墓誌  
有光時代玄善容止長汎愛尤工草隸凡講經  
論皆有其序有詩賦數百篇夫人令平者問其  
生處見玄翼從甚眾言生四天而戒厚葬傷生  
昔賢久戒楊王孫蒙莊子並俗中達人而猶若  
此况玄無為釋子乎夫人聞而流涕情不安忍  
時為玄造幡蓋座帳等凶事並皆官給下有論  
文云

○抑揚半滿部第二十二

法橋得聲  
中山人少出家便樂轉讀而乏聲氣  
每以不暢為歎乃絕粒餓求七日七



夕稽首觀音以祈現報同學苦諫誓而不改至  
七日滿覺喉內豁然即索水洗漱云吾有應於  
是作三契經聲徹數里遠近驚歎悉觀察尔後  
誦經數十萬若哀婉通神九十不變弟子僧扶  
**曇齋製聲** 篇木月氏人寓居建業自幼出家清  
止建初寺孝武從受五戒敬以禮焉篇特稟妙  
聲善於轉讀嘗夢天神授其聲法覺因裁製新  
聲梵響清靡四飛却轉反折還弄雖復東阿先  
變康會後造始終循環未有如篇之妙後進傳  
寫莫匪其法所製六言梵唄傳  
**法平鉢囊** 姓康  
于今終於所住年八十一矣  
人寓居建業與弟法等俱出家任白馬寺為篇  
弟子自醜兄羨聲逾於兄宋大將軍於東府設  
齋一往以負輕之及聞披卷三契便扼腕神服  
之乃歎曰以負取人失其子羽信矣後東安嚴

公講等作三契嚴極嘆之世  
**僧饒臺供** 建康人  
號鉢囊兄弟並元喜未卒矣  
寺善尺牘及雜伎而偏以音聲著稱善名宋武  
朝響調優游和雅哀亮與道綜聲齊綜善二本  
起及大智論每清梵一舉道俗願心寺有般若  
臺饒常臺外梵轉以擬供養行路聞者莫不  
駕彈指宋大明年卒八十六矣同寺有超  
明明慧梵唄相等長齋轉讀有名於世矣  
**道慧**  
自然 姓張尋陽柴桑人年二十於廬山出家素  
行清真博涉經典特稟自然之聲偏好轉  
讀發響含奇製無定准修章折句綺麗分明後  
出都止樂安寺轉讀之名大盛京邑晚移朱方  
寺誦經數萬言每於暗中彈指唱  
嘆之聲宋大明二年卒春秋五十一  
**智宗驚睡**  
姓周建康人出家止謝寺博學多聞尤長轉讀  
聲至清而來快若乃八關長夕中宵之後四眾



低昂睡蛇交至宗即昇座一轉梵響于雲聞者莫不開神豁然醒悟大明三年卒四十一矣時有慧寶道詮皆有聲韻于世

**曇遷施題** 姓支本月氏人寓居玄儒遊心佛義善談莊老遊心十地又工正書常施經題巧於轉讀有無窮聲韻王義范擘皆師敬之擘後誅一門十二喪無敢近者遷抽衣雇人悉為葬之武帝聞而歎曰奇哉謂徐爰曰卿著宋書勿遺此士王僧虔為湘州及三吳皆與同往齊建元四年卒九十九法暢道琰並有名於世

**曇智高亮** 姓王建康人出家止東安寺性史多綜所習既有高亮之聲雅好轉讀雖依前宗而獨拔新異高調清微寫送有餘宋孝武蕭思話王僧虔並深加識重齊永明五年卒七十九時有道朗法忍智欣慧光並無餘解薄能轉

讀道朗小緩法忍好擊切智

**僧辯下鶴** 姓吳建欣善側調慧光騁飛聲矣

家止安樂寺少好讀經受業於遷暢二師初雖祖述其風乃晚厝意斟酌哀婉折衷獨步齊初嘗在新亭劉紹宅齋初夜讀經始得一契忽有群鶴下集階前卷終而去齊竟陵王夢於佛前詠維摩經即集京城大德善經者龍光寺普智新安道興多寶慧忍超勝及僧辯等齋設而散矣

**曇憑銅鐘** 姓楊南安人少遊京師學於轉讀時人未之推也於是專精規矩更加研習晚遂出群翕然改觀誦二本起經尤善其聲後止龍淵寺巴漢學者皆知敬禿每清音一吐輒象馬悲鳴行途任足因造銅鐘感得八音四辯庸蜀有鍾始於憑也後終於

**僧忍再製** 姓黃建康人所住寺僧令道光等



多寶寺無餘行解只好音聲初受業於安樂寺辯公備得其法而哀婉細妙欲過之齊文宣感夢之後集諸經師乃共忍對酌舊聲詮品新異忍製寂長於是四十人皆習聲誦四十二卒

**八僧無傳**

法璘平調牒句殊有官商曇辯一往細美曇幹爽快研礪傳寫有法曇進亦入能流偏善還品惠超善於三契後不能稱道首怯於一往長道可觀曇調寫送清雅恨功未足此諸僧並齊代知名也其浙右江西庸蜀亦頗有轉讀然止是當時詠歌乃無高譽故不足而傳下續高僧傳

**志湛初果**

齊州山荏人朗公曾孫之弟子立行獸而群不為亂任人頭山術草寺宋末郗跋摩所立讀法華以為常業終之日誌公奏梁武

曰北方初果入滅揚都道俗皆遙禮拜之湛之云也寂然無惱端坐氣絕手舒一指天竺僧曰此初果也葬於人頭山塔上鳥獸不敢陵法又范陽五侯寺僧誦法華經焚身舌根不壞雍州白鹿山誦經僧乃感童子常來供養并州東掘出人髑骨有舌不壞聞經聲而動勅中書舍人高珍往驗之不虛葬於墓所元魏乘師持法華沒為薛氏第五子生而能言自陳宿世不願在俗其父任北肆州刺史至中山七帝寺見本弟子我即乘禪師也出侯君素旌異記

**法建**  
廣漢雜縣人姓朱誦一千卷經仍多閑暇矣後魏令尉遲迴伐蜀得之僧皆被禁至夜有光迴令尋之見光從獄中一僧口內出迴自到建所頂禮自聽問曰何經曰花嚴下帙曰誦經多少曰願誦一藏今得千卷迴驚疑不信欲試



之屈誦一遍應不勞耶建曰誦經沙門常事敢  
憚勞苦又請登座誦之或似急流之注高松其  
吐納音句呼翕氣息或類清風之入高松七日  
七夜誦終千卷猶故不怠迴起謝之僧並釋放  
迴曰如來滅後阿難惣持豈能過此八十終矣  
**慧恭觀音**益州成都人  
僧慧遠詣長安聽來恭往荆州楊都訪來經論  
遠只在京聽習經論還益州講授卓尔絕倫道  
俗欽重觀施盈積恭江右還鄉二人相見忻然  
共敘離別三十年同宿數夜乃問所業遠如涌  
泉恭一無所說遠曰雖別多時有何得耶恭曰  
爲人暗劣遠曰何不誦經恭曰誦得觀音經遠  
曰小兒誦得豈非癩墮比望共登道果俱揚正  
化唯誦一卷經如指許大請與君絕交希便早  
去無增遠之煩惱恭曰經卷雖小還是佛說敬  
之得福慢之獲罪欲誦一遍與君長別遠笑曰

此法華經一品我前後講百遍如何欲內入耳  
乎恭又堅欲誦之遠晒而許之恭乃結檀昇座  
纔開題目異香氤氳遍滿房宇入文已天上作  
樂雨四種花樂則嘹亮振空花乃零霏滿地經  
訖自爲解座梵樂方歇遠接足頂禮淚下交流  
謝曰遠是穢死尸敢行天日之下乞暫留賜見  
教誨恭曰非我之能佛力耳即拂衣而去不知所之其寺久已湮滅  
**法泰書經**眉  
隆山縣人姓呂便爲道士十餘年忽然自悟迴  
心正覺因即出家誦法華經尋即通利後願書  
經一部將入都裝潢令人擔經至河悞臨哭之  
急令人取之宛無所損至都本寺寅夜讀之有  
彪文法師講尋疏文煩聞經聲亂於文義至房  
欲請小歇見龍神衛聽毛豎而迴即自移居泰  
年八終**慧超萬遍**和弱齡狀俗自出家後誦法華



經聞光州大蕪山慧思禪師獨悟一乘善明二  
觀與天台智者仙城命公篤志幽尋積年請業  
行優智遠德冠時賢思對衆命曰超之神府得  
忍人也後嵩山餌藥坐禪隋太子召而供養後  
面西正坐如入定而卒七十有七超入道五十  
年誦法華經一萬餘遍靈感獲瑞不可勝言弟  
子法成等建**慧頭留舌**伯濟國人少出家苦心  
自塔於山寺**祈福請願**所遂者多聽三論一法神彌增其緒  
住本國修德寺有衆則講無乃誦經四遠聞風  
造山誼接又往南方達拏山專業如故遂終於  
彼同學舉尸石窟唯舌不壞紅赤柔軟勝常過  
後方變紫硬如石僧**道積養癘**蜀人住益州福  
俗怪而共塔葬焉成寺誦涅槃經  
以爲常業凡有宣述必洗滌身穢淨衣法座然  
後開之養諸癘者共食兼與洗濯有問者曰

淨臭處心憎愛身心無二既比陶練七十餘卒  
時屬炎夏而不腐鼻經停百日加坐如初無不  
嗟尚乃就溲布蜀中涅槃因此盛也又有洪遠  
僧恩并誦涅槃造二千部日寫五帛皂白歸向  
也**寶瓊義邑**姓馬益州人住綿竹小年出家清  
貞儉素誦大品兩日一遍乃爲常  
業歷遊邑落無他方術但勸信向尊敬佛法晚  
移任福壽寺乃率勵坊郭邑義爲先每結一邑  
必三十人令誦大品人別一卷月營齋集各依  
次誦如此義邑乃盈千數四遠聞者皆來受化  
先人後已經遊蘿苒下道相避言問相對怡聲  
謙敬斯實量也不媚於時時多道民不信佛法  
遇設道齋瓊至不禮衆皆不樂瓊曰恐有所辱  
日但禮遂禮之道像皆倒因之信佛貞觀八年  
卒於所**善慧通藉**姓荀河內人博通經藉統括  
任矣文義逮於九章律曆七曜盈



虛皆吞若胸中指掌符會乃深惟世務終墜泥  
 犁遂解褐衫歸依僧伍任徐州彭城寺誦法華  
 經聽習攝論遇亂入關衣服破弊遇吉藏講雪  
 中坐聽後往藍田律梁寺俗本驪戎互相梗戾  
 率漸陶化十室而九性愛英賢樂相近致自西  
 自東百有餘里名林勝地皆建禪房巡送之儔  
 賴其安堵貞觀九年終於所任年四十九矣初  
 慧弃俗典莅玄模言不重涉專心道業省言節  
 食佩律懷**慧達護命**太原人講法華一部五千  
 仁云云偏護物命直視低目地有虫豕必迴身而避不  
 敢誇越有問其故曰斯之與吾生死不定將不  
 先成正覺安可輕之貞觀八年四月加坐而卒  
 為是人定五日方知已逝不臭腐殮於窟中

**法誠火定**

姓樊雍州萬年人童小出家止藍田  
 王效寺專沙門僧和和亦鄉族所推

也奉之比聖有人欲害夜往其房見其門內猛  
 火騰焰遂即退悔性飲清泉潔淨故也人或弄  
 之密以羊骨和水飲便吐之其冥感為若此矣  
 誠誦法華以為恒調又謁禪林寺相禪師詢于  
 定行而得茂禪宗學優眾仰晚任雲華寺隋文  
 敬德請受歸戒乃陳表固辭薄言抗礼遂負笈  
 東西歷遊名岳追蹤聖友咸得志道因見超公  
 隱居幽靜乃結心期栖遲藍谷造普賢寺夢之  
 感也誦法華一萬遍書經**空藏粮餘**姓王先祖  
 每感異香靈禽七十八終在雍州新豐居焉母初妊日酒肉不食以同身  
 子生已虛鑿日陳情用高遠每讀經論思存拔  
 濟至年十九同佛出家父母不許在前而臥四  
 布手足七日不食父母方許即辭向藍田負而  
 山私自剃落資麵六斗食之三年又感神鼎自  
 然而至日誦萬言講解尤長兼有著述礼千佛



名五日一遍不臥七年四月十二日終七十四  
祈泉卽漏其骸骨兩耳相通頂有雙孔眼眶有  
三竅立碑慧詮講式姓蕭今特進瑀公之子父  
于寧爲文志用冲粹姑卽煬帝之后自幼及長恒在宮闈  
慕樂超世無因自達後帝以秦孝公女妻之及  
妻卒也方遂夙心武德初住莊嚴寺廣聽經論  
而以攝論爲心要善莫大焉能草隸諸額推仰  
兄在東宮文才之舉春秋與弟屬興詠篇什爲  
難兄難弟家世奉佛偏弘法華數盈萬遍又弟  
智詮亦出家同住卽宋公之兄太府卿之子略  
榮位之好欣懷道業勤勤自課無擇昏曉與兄  
相次而卒自釋化東傳流味弥遠承受讀誦世  
罕伊人蕭氏一門可爲天下模楷矣出家二十  
餘遺俗一塔不知何許人唐運初閑遊於雍州  
清儉寡欲惟誦法華晝夜相繼乃

數千遍後因疾欲終屬諸人曰埋之十年後開  
墓如舌不壞當乞一塔如之何衆皆許而卒至  
貞觀十年諸人發墓見舌在焉一縣信向咸共  
建塔於楊陸村北其谷南岸卽慧廓友人爲首  
識者尊嚴弥隆敬信讀誦更甚又京城南豐谷  
鄉福水南史村史阿擔者少懷善念常誦法華  
行安樂行慈悲在意不棄畜生以虛弱爲心名  
迫令史往還京省習誦相仍恐路逢相識便廢  
所誦乃小蓮往來低氣怡顏緣念相續初不告  
倦及終之日感異香氣充於村曲親踈埋殯尔  
後十年妻卒開墓見舌在焉又黃州渚華寺僧  
玄秀誦法華經每感微異未以爲怪時以炎熱  
同友逐涼欲命秀談笑至房見初衛嚴肅人馬  
偉大怖而告衆共見如初乃知其感通人皆慚  
謝秀專斯業寶相勸課姓馬雍州長安人十九  
隋末終寺



寺聽攝論伏妄識習禪定六時禮懺四十餘年  
夜自駕厲勸課誦阿彌陀經七遍念佛名六萬  
遍晝讀藏經初無散捨後專讀涅槃經一千八  
十遍誦金剛經千遍即身絕患惱冷食麤衣志  
無憚苦牽虱流身不暇觀採遇患將極誦念無  
捨剋時至待期累屬道俗以念佛為先西方相  
待勿虛度世又云當焚吾尸不勞銘塔用塵庸  
俗言訖而逝年八十三不畜尺財無勞僧法又  
同寺法達以誠素見稱供施之直寫花嚴經八  
部般若燒香自讀一百餘遍生常清潔不畜財  
人單已自活食無餘粒斯亦輕清之高士也年  
七十賚所讀經與同行者但勝天王經一部以  
充終老即往雲陽巖中誦習四年友卒並是即  
目近事凡讀誦徵感其類寔繁別有傳記故不  
盡錄略引數  
條示光緒耳

○化導人天部第二十三

道照開化

姓魏平西人少善尺牘兼博經史十  
八出家止京師祇桓寺披覽群典以

旨唱為業

音吐高亮洗悟塵心指事適時言不

孤發獨步

宋代宋武皇常於內殿齋初夜略敘

百年迂速

苦樂參差必由因果佛慈悲應六道

陛下撫綏

一切帝言善久之齋竟別觀二萬臨

川王道規

從受五戒奉為門師元喜二十年卒

六十六照

弟子慧明姓焦魏郡人神情爽邁等

曇穎除瘡

會稽人少出家謹於戒行誦經十餘

故屬意

宣暢唱化天然獨步凡要請者貴賤均

赴貧富

一等張暢聞而歎曰辭吐流便足騰遠

理穎嘗患瘡

積治不除房內恒供觀音晨夕神

摩求差異

時忽見一蛇緣壁上屋落一小箴和



涎取涎塗之瘡愈甯活於是精勤化道勵節弥  
堅宋江夏王義恭最所知重後卒於所住年八  
十一**曇宗禮懺**姓舞未陵人出家止靈味寺少而  
時應變無盡嘗為孝武唱導行菩薩五礼帝笑  
朕有何罪而為懺悔宗曰虞舜至聖猶云予違  
弔益以軌世陛下得邁往代齊聖虞殷履道思  
冲寧得獨異帝大悅後殷淑儀薨三七設齋供  
講宗歎世道浮偽恩愛必離帝乃悽愴良久賞  
異弥深宗後終於所住著京城塔寺記兩卷時  
靈味寺有僧意亦唱導有功製談經新聲哀亮  
有**慧璩成章**丹陽人出家止瓦官寺該覽經論  
序**成章動辭**製作臨時採博整無不詣宋太祖  
文皇帝車騎臧質並提携友善雅相崇愛譙王

鎮荆南要與同往王逆節敗璩遊梁山歸朝宋  
孝武設齋璩唱導帝問璩今日之集何如梁山  
曰天道助順况復為逆帝悅之別喚一萬後勅  
為京邑都維那大明末終於所住寺年七十二  
**曇光迴心**會稽人隨師止江陵長沙寺性意成  
將二十喟然歎曰從來所習皆是俗事佛法深  
理未染一毫豈剪落所宜耶乃屏諸舊業聽習  
經論識悟過人一聞便印宋衡陽文王義鎮荆  
州求善教沙門以談佛法眾推於光固辭王自  
請詣房再三方許給車服人九月供一萬每設  
齋會無有導師王請光曰普導群生唯德之大  
上人何得為辭願必自力光乃迴心習唱製造  
懺文每處眾執炉道俗頌仰後還京止靈味寺  
義陽王旭出鎮北徐亦與光同往後宋明設會  
見光唱導稱善勅賜三衣瓶鉢後卒於寺年六



十五 **慧芬得戒**

姓李預州人幼有殊操十二出

苦行精峻每赴齋會常為大衆說法梁楚之間  
悉奉異化魏當滅法奔而至江感航自至渡也  
至京止白馬寺御史中丞袁愨孫掌謂道人偏  
執未足與議乃命左右令侯沙門試欲詰之會  
得芬至袁先問三乘四諦之理後辨老莊儒墨  
之談芬又素善經史音吐流便自旦之夕義不  
能屈於是敬以師禮令子弟悉從受五戒芬又  
善神咒所治必驗後自病篤人勸以酒下藥謂  
弟子曰人多臨死破戒吾今去矣齊永明  
三年卒七十九臨終有訓誡遺文云云 **道儒**

**改惡**

姓石渤海人寓居廣陵少懷清信志樂入

贊成厥德為啓勅度之蔬食讀誦凡所之造皆  
勸人改惡修善遠近宗奉遂成導師言無預撰

發誓成製元嘉止建初長沙王請為戒師盧丞

祖伯冲孫等共買張敬兒故廟為儒立寺今齊

福寺是也儒以永明八年卒八十一矣閑慧重

心寺有僧嘉亦善唱說振譽於宋末齊初慧重

**信悟** 閔氏魯國人僑居金陵早懷信悟有志從

導如是累時乃上聞宋孝武大明六年勅為新

安寺出家於是專唱說稟性聰敏議悟深沈言

不經營乃如瓶注凡預聞者皆連留信宿增其  
懇詣後止瓦官寺永明五年卒七十三瓦官有  
僧法覺又敦信重之業 **法願照鏡** 姓鍾名武厲  
亦善唱道有名齊代矣 人祖避難居吳興長城願掌為梅根冶監有施  
慎民來代之願為新道令家本事神身習鼓舞  
世間雜伎無不精練又善占相自以鏡照面云  
我不久當死於是出都以傭相作業宗殼沈慶



微時請願相之願曰宗爲三州刺史沈位極三  
合歷相衆人所驗非一宋太祖聞而試之取一  
奴一囚衣冠之令願相之願指囚曰君多厄難  
下階便著鎖謂奴曰君是賤人暫時得免帝大  
異之勅知秘述後求之出家三啓方許爲上定  
林寺遠公弟子孝武龍飛宗毅出鎮廣州請願  
同往奉爲五戒師也毅又遷豫州後譙王構逆  
太白犯南斗願令迴心果得益州刺史後被僧  
導讒奏孝武勅直閣沈攸通令食肉折齒不從  
又令罷道然禪戒不虧大始六年帝崩却出家  
住光宅寺齊高師禮武帝亦然永明二年因兄  
亡願乞還鄉少時勅又重請止湘宮寺脚疾帝  
駕自幸親臨不出帝迴蹕而去又惠太子嘗往  
問評願不命坐作禮而立迴謂願曰蕭吹清饒  
以爲供養其福云何願曰昔妙音菩薩八萬伎  
樂供養佛尚不如志心今吹竹管子打死牛皮

此何足道其秉德邁時皆此之類其王侯妃主  
並從受戒悉尊師禮願往直前無有通白咸致  
隨喜日盈萬計願未嘗畜聚皆作福由利益一  
切乃至蟲鳥乃至囚禁興功立德數不可紀又  
善唱導說法率由心抱乃至宮商言戲以代時  
適機爲要可謂其智可及其愚不可及入定三  
日不食語弟子曰汝失飯糲矣後有近火寺在  
下風弟子曰可出願曰佛若被燒我何取活苦  
心告佛於是三面被燒唯寺不  
燼齊永元二年八十七卒矣  
**法鏡必行** 姓張  
烏程人幼而樂道事未獲從值慧益燒身啓帝  
度人鏡預其一事法願爲師既得入道履操水  
霜人施爲懷曠拔成務於是研習唱導有邁於  
古齊文宣王厚相禮待鏡誓心弘道持志如一  
不拘貴賤有請必行無避寒暑財不畜私常興  
福業建武初以其信施立齊隆寺居之鏡爲性



敦美以賞接為務道俗交知莫不愛悅雖義學功淺而領悟自然造次嘲難必有酬酢齊永明二年卒年六十四又尾官寺道親彭城寺寶興者閣寺道澄並皆祖述宣唱高韻華言非忝前例傾動眾物論者從之今上為長沙宣武王治鏡所住寺因改為宣武寺也論曰唱導者蓋以宣唱法理開導眾心云云

### 雜科一十二人

**慧明卜龜** 不知何許人自似胡目之胡明也利口奇辨鋒涌難加擷體風雲銘目時事吐言驚世聞皆諷之之後大採經論不存文句陳文御世多營齋務民百風從明騁術唇吻機變不思諸有唱導莫不彈指牽引古今包括大致能使聽眾忻忻恐休宣說帝北征祝龜腹文

長裂以為不祥齋百僧說意明白卜征龜破可為千里路通與齊大戰虜二十萬江淮二百城明言中也為以道隆偏意宗猷**道紀金藏** 高齊達悟登白其量弘矣不測其終**道紀金藏** 之初大弘成實後事唱導廣讀經論集金藏行焉後自講之七日一遍兼養老母掃塔為業勸人持戒**法稱動眾** 江南人通諸經聲清動眾陳氏所隨機之要隋平南與白雲禪師版秦任興善入內叙論正義開納帝心聲震如雷停駐飛走又善席上談吐驚奇子史丘索都皆諳了年五十一卒王為追福沙門法論為墓誌見於別傳矣

### 真觀八絕

字聖達錢塘人姓范祖延蒸給事黃氏溫良有德無子誦藥師觀音金剛求子得觀奇相不群左掌仙文右掌人字口流津液從如



至終未嘗患渴體膚不老舌文如綺聲如鍾響  
 五歲蔬齋執帚扇戲而談講八歲誦詩十六儒  
 書無不通解其琴文集且新月異善相者曰當  
 為大法師禮義興生公為弟子十誦成實法華  
 日限一卷後遊心方等語曰天下一半錢唐具  
 觀又洪偃曰我具四能余有八絕義導書詩辨  
 貞聲其學士博緯嘆曰三千稱首七十當初是  
 上人者當為酬對天台智者重之為法兄弟隋  
 高三命辭疾又有阜亭神姓陳名重請講法華  
 施物捨廟為佛殿後夢智者天人請講等七十  
 四卒天樂來迎頂煖等屈二法韻經導州人偏  
 指觀為愁賦極妙在傳不錄  
 工席上碑誌導文誦百餘卷善能引用通經七  
 百餘帙三十而退即聽花嚴又之太岳靈巖般  
 舟苦行不希名聞後於陽虎島安禪鬼立身雷  
 惟不驚後返栖霞三十五卒仁壽四年

**震**

江表金陵人志雄果不緣浮綺威容肅然見  
 者憚攝有文章工辯對江左法會身之登座  
 削發聲咳砰礚雷震道俗檢襟毛豎太業初帝  
 以聲唱之功動哀情抱賜絹四百段齏四十領  
 尋令門學分均導唱高者慧曠壽法達寶嚴等  
 吼之勢有餘機變之能未顯人世可觀故不廣  
 也

**善權駭衆**

楊都人任寶田寺初聽成實後樂  
 體人物隨言聯貫若珠璧也然海

內包括言辨之最無出江南至於詮品時事機  
 斷不思莫有高者任日嚴道場令五十人行道  
 英聲大德皆號智囊宮內六時禮懺四十九日  
 身則聲調凌人權則機神駭衆三言五言為句  
 讚嘆學士柳願言諸葛穎等語曰法師辨對鼓  
 言甚可訝也穎曰天授英辨也罕高者大業初  
 終五十三矣門人法綱請諱多奇言雖不繁寫  
 情都盡蕭僕射昆季重之時號學宗綱亦早逝



法門掩 **智果書辯** 會稽人率素輕清慈物在性  
關矣 常誦法華頗愛文筆浴以其  
書勢逼二王晉王命書稱出家人不奉王怒囚  
因太子出巡上頌而免賜錢一萬金器二枚終  
于東都六十矣又有慧日寺僧智騫江表人偏  
洞字源乃至秘閣言義不通亦諮騫也造衆經  
音又玄應亦 **法琰新聲** 姓嚴金陵人聽莊嚴寺  
以字學有名 僧公成實入義知歸時  
共贊賞後取瑞應經舉製新聲無不  
訝之性在知足九十卒貞觀十年矣 **慧常梵唄**  
京兆人梵唄之工無以加也飛揚轉弄聲發喉  
中唇吻不動與人並立推檢莫知隋煬興法若  
此聲梵聞者何不生善四十餘卒又有興善道  
英神爽亦以聲梵馳名英穎律偉壯辭氣雄遠  
大衆一聚方人聲調稜高超衆外興善大殿十  
畝聲搖門窓爽亦唱梵弥工長引愜洽人心又

豫州照機寺曇寶年六十計常講觀音亦聲調  
超挺特異人倫寺有塔墓至於靜夜於上讚禮  
聲周三十里四遠 **智凱童子** 姓安江表揚州人  
所聞無不驚仰 家世大富奴僕甚  
多年在童稚稚重嘲詭引諸群小百人同戲街  
巷以爲自得陳氏臺省門無衛禁凱率其戲侶  
在太極殿前號令而過朝宰江總願其約束銓  
叙駐步訝之相視笑曰此小兒主至學年弃前  
所作師吉藏出家偏受三論後習子史今古集  
傳有關意抱輒條疎之能於唱導隋末唐初嘉  
猷漸著廣誦多能罕有其類道士張鼎雄辯難  
加自張聲小爲凱陵架欲待言了方肆其言叙  
其帝德凱廣引古今一代宰伯同賞標奇臨機  
之妙鉅鋒若此而情均貧富赴供不倫差也後  
隨王道宗 **寶巖法師** 住京法海寺氣調開放言  
終靈山 笑聚人情在道俗目之說



法師每講經論名同事異論師所設務存章句  
清判生起採結詞義巖之制用隨狀立儀所有  
控引多取雜藏百喻異相駮壁觀公導文王孺  
懺法梁烏沈約徐庾晉宋等數十家包納喉衿  
觸興抽拔每便援引京邑諸集塔寺肇興費用  
所資莫匪泉貝雖玉右通集藏府難開及巖之  
登座按几願望不及吐言擲物雲崩須臾坐沒  
方乃命人從物談叙福門先張善道可欣中述  
幽途可狀後以無常逼奪終歸長夜提耳抵掌  
速晤時心莫不解髮撒衣書名記數尅濟成造  
咸其功焉時有人云夫說法者當如法說不聞  
陰界之空但言本生本事巖曰主事所明爲存  
陰人無主祖濁世情鈍說陰界者皆昏睡也故  
隨物附租用開神府可不佳乎貞觀初卒七十  
矣

卷十二終



